

刑  
案  
匯  
覽

刑案匯覽卷四十九

目錄

子孫違犯教令

子累及父母自盡治罪通行

子訛詐犯案母恨人控告自盡

主令子訛詐不遂父畏累自盡

因子訛詐犯案縱容之母自盡

子誑借人銀飾逃走致父自盡

因子穢語肇釁致父愁急自盡

父棺圖賴被能致母畏累自盡

因子毆傷兄妻致母愁急自盡

因子售地販煤致母愁急自盡

因子刃傷人致母畏累自盡

因子賭博滋事致父母自盡

父教子行竊敗露致母謀殺父

子爲匪觸忤致母謀殺姑圖賴

夫因爭繼涉訟致妻殺姑圖賴

兄乞人筭受辱致弟殺母圖賴

引賣人妻致母憂急令弟勒斃

父母縱子犯姦犯盜被人殺死

子犯竊縱容之母被捕役毆死

子犯竊復縱妻賣姦致母自盡

增

縱子行竊差傳其父失足跌斃

縱子見竊分贓事發致母自盡

教子代賊銷贓事發其母自盡

教子窩賊事發其母自盡

教子搶奪族人事發其母自盡

教令義孫同竊事發祖母自盡

教令義女犯姦敗露義父自盡

縱子拐藏婦女事發其母自盡

縱子通姦敗露致父謀殺姦婦

縱容子姦拐致母被本夫毆死

縱容通姦致祖姑並伊翁自盡

子婦犯姦氏兄誣短致姑自盡

姦夫拒鑿姦婦之翁其姑匿報

姦夫殺縱姦氏姑姦婦不知情

姦夫謀殺姦婦祖姑姦婦被告

子婦與人通姦翁被姦夫殺死

姦夫拒傷氏翁後目病身死

姦婦業已悔過姦夫拒殺氏翁

與人通姦縱容之祖被人毆死

姦夫非姦所將姦婦之翁拒斃

過門後已拒絕姦夫謀殺其翁

父被姦夫謀殺忘讐護姦匪供

于犯難姦致義父被姦夫殺死

婦被誘拐同逃致釀逆倫重案  
累覘致死犯非謀故毋庸立決  
因瘋絞妻致父自盡仍擬絞候  
救父毆死功叔致母愁急自盡  
呈送子媳二人一併發遣

婦居于婦觸犯翁姑未便發遣

婦媳淫亂頂撞祖姑未便發遣

因子逃避雨載不回呈請發遣

擬絞留養之後伊母呈請發遣

訓斥頂撞致母自行掛傷呈送

子犯搶奪被父首送發遣免剝

送子於遣尙未起解復請免遣

呈送子孫發遣旋復呈懇免遣

出繼之子本生繼母呈送發遣

頂撞嫁母情輕獨子未便發遣

毆母之婢女母生氣用刀自傷

並未違犯繼母遷怒撞頭跌傷

母因遷怒向子趕毆自行撞傷



不能養贍致母投河經救未死  
一足微跛不能養贍繼母自盡  
見禁囚不得告舉他事

獲犯到官後又誣控毋庸准理

教唆詞訟

見屍子懷疑卽從旁恣意誣告

圖財頂名代告復恣屍于京控

教唆誣告首從罪名各按本例

爲人代作呈詞五六次

訟提擬軍例應四千里爲限

接收呈詞嚴追咬訟寫作之人

拿獲訟師免其處分仍應稟奏

教唆誣告以致族妹屍遭蒸檢

增

誣告充軍及遷徙

誣告攬使私錢反坐應發駐防

誣告邪教爲從照例抵充軍遣

刑案隱覽卷四十九目錄終

刑案匯覽卷四十九

子孫違犯教令

子累及父母自盡治罪通行

西安按察使 奏凡犯姦盜累及父母自盡者均請加等擬絞監候一摺乾隆二十七年六月十九日奉

硃批該部議奏欽此查例載子貧不能營生養贍致親自

盡者杖一百流三千里又逼父母致死者斬等語凡

以人子之於父母設有自盡之案法則以有犯無犯

爲衡犯則以有心無心爲斷輕則杖流重卽駢首蓋

倫常重大出入綦嚴斷無中立之勢卽古人宥過無

按原例子逼父母致死比照擬者律斬嗣於乾隆三十七年酌定斬絞例文

子貧不能養廢  
致親自盡律例  
子依過失殺父  
律杖二百流三  
千里乾隆三十  
一年將子依過  
失殺父律例刪  
去

大刑故無小之義至精微也今據該按察使奏稱人  
子不遵約束犯姦爲盜以致父母憂忿收生或事發  
被拘畏累自盡雖屬自行輕生究係子所貽禍向俱  
照過失殺父母律杖流似爲未協請嗣後凡犯姦盜  
累及父母自盡者除已干斬絞各依本律例定擬外  
罪止重流徒杖者均加等擬絞監候等語查人子爲  
盜犯姦罪干斬絞者既屬罪無可加若所犯本輕罪  
在流徒以下偶致其親輕生自盡者其爲類不一而  
情法之輕重亦屬懸殊如父母不能禁約其子爲匪

甚或縱容指使狼狽爲奸業有應得之罪及至事發  
而其輕生自盡或因別有迫脅者則止視其于所犯  
本條科斷無庸比附他條治罪如平時並無忤逆實  
跡偶以刑事犯案其父母自行輕生者卽比照子孫  
不能養贍例杖一百流三千里若其平日不遵約束  
事發之後猶復觸忤其親以致忿極自盡者則忤逆  
已著不必姦盜兩項始應從重治罪凡鬪狠賭博爭  
奪財廔一切詐僞雜犯苟有前項情節皆照威逼致  
死例擬斬成例昭然辦案從無歧誤司獄者臨事詳

領準情定罪輕重自得其平毋庸添設科條轉滋拘礙應將該按察使所奏毋庸議等因七月初二日奉

旨依議欽此 照通行錄

子訛詐犯案母  
恨人控告自盡

安撫 咨汪勇昌索詐被控致伊母投塘溺斃一案  
此案汪勇昌幫同繆宏遠索詐朱世祿錢文其母汪  
馬氏係屬知情追朱世祿赴縣呈控汪勇昌疑係張  
起森主使率告遂向伊母馬氏告知馬氏忿恨莫釋  
潛赴張起森塘內投溺殞命查馬氏之死固非因該  
犯觸忤而究其致死之由總因該犯貽則幫同繆宏

遠索詐追被控到官復懷疑張起森王使告知伊母  
致其母懷恨張起森投塘溺斃是母死非命實由伊  
子釀成該撫將汪勇昌擬流係照乾隆二十七年通  
行偶以別事犯案致父母自行輕生者擬流之案辦  
理情罪允當似應照覆

嘉慶七年說帖

主令子訛詐不  
遂父畏累自盡

河撫咨刑倉聽從伊父判欽與王使訛詐盧中謙  
不遂致判欽與畏罪投崖身死一案檢查乾隆二十  
七年本部議覆陝西按察使蔣嘉年條奏如子因別  
事犯案其父母自行輕生者卽比照子孫不能養贍



例杖一百流三千里等因通行在案此案荆倉之父  
荆欽與先賃盧中謙地基空窩居住嗣因拖欠賃錢  
盧中謙央馬三友等說合情願認免前欠賃錢並認  
給荆欽與空窩工料銀三十兩將窩歸還荆欽與應  
允交銀移居後荆欽與因乏用令荆倉向盧中謙商  
添工費盧中謙不允村斥荆欽與氣忿起意訛詐卽  
以盧中謙舊欠錢文未還不肯甘休等情至令荆倉  
前往訛鬧盧中謙不依投保理論欲行稟究荆倉逃  
回向父告知荆欽與慮恐到官坐罪畏罪愁急難辦

短見潛赴盧中謙住室上投崖跌落盧中謙院內受傷殞命詳查案情判欽與僅主使伊子向盧中謙訛詐與教令犯姦犯盜不同而判欽與亦有應得之罪判倉聽從伊父主使前往訛詐未成核其所犯之罪止應擬以不應判欽與因素添工費不允藉端訛詐係其自行起意卽其投崖自盡亦係由畏罪所致並非由荆倉貽累自應查照通行視荆倉所犯本條科斷無庸比引他條治罪該省將荆倉比照教令子犯姦盜後因發覺畏罪自盡例擬徒究未允協應請交

因子訛詐犯家  
縱容之母自盡

司改擬各覆

道光六年說帖

雲撫 咨李全捏欠圖詐犯案被獲致縱容之母自  
盡一案查子孫犯姦盜致祖父母父母輕生例有專  
條若犯別項罪名致父母自盡向俱援照乾隆二十  
七年通行比照子孫不能養贍例擬流歷久遵循辦  
理此案李全因訛詐犯案擬軍遇

赦釋免後復向族弟李亭章圖詐被控枷示仰枷逃逸經  
兵丁協同甲約人等拿獲其母朱氏攔阻求釋甲約  
胡達遠等不允朱氏不依撞頭拚命胡達遠稔知朱

氏遇事縱容薛稱該氏不能管教其子復出頭庇護  
欲一併送州朱氏回歸恐于誣責憂懼自縊殞命該  
撫將該犯比照子犯姦盜父母縱容袒護畏罪自盡  
例擬軍聲明係

赦後復犯加等擬遣經該司以該犯所犯係訛詐擾害與  
姦盜匪犯身陷邪淫者不同若將該犯比照子犯姦  
盜致縱容之父母自盡例定擬設有犯訛詐等罪致  
並未縱容之父母自盡者亦將引例擬以絞決平罪  
關出入未便率擬等因查李全因犯訛詐脫逃被獲

致縱容之母憂懼自盡係犯別項罪名非姦盜可比  
自應照通行辦理章程將李全改依比照子孫不能  
養贍例擬流係

赦後復犯加一等發附近充軍  
道光六年說帖

子誑借人銀飾  
逃走致父自盡

貴州司 審擬梁世榮投河淹死一案查梁世榮因  
伊子梁三誑借伊戚李汪氏銀飾逃走被氏索討愧  
忿投河殞命既訊明李汪氏並無威逼情狀惟於其  
子借物輒向其父索討準贖命擬以不應重杖收  
贖情罪允協至梁三誑借銀飾逃走致伊父被索忿

因子穢語肇發  
致父愁急自盡

激自盡究與身犯姦盜致父母輕生者不同向來子  
犯賭博等事致父母自盡之案俱照子貧不能養贍  
例擬流將來緝獲梁三似可仿照辦理  
嘉慶十六年現審案說帖  
河撫 咨狄風兒因向狄馬氏索欠穢語寢息後氏  
夫狄五兒向馬氏查究因何借錢將馬氏斥罵欲毆  
致氏氣忿投崖斃命死由被夫責罵非因該犯穢語  
而起惟該犯之父狄存禮因該犯穢語肇發慮及到  
官治罪無人養贍愁急自縊應將狄風兒比照子貧  
不能養贍致父母自縊例滿流  
道光二年案

父棺固賴被控  
致母畏累自盡

因子毆傷兄妻  
致母愁急自盡

因子售地販煤  
致母愁急自盡

川督 咨陳育美因向彭宗明借錢不遂將伊父屍

棺擡至彭宗明宅後埋葬彭宗明不依控告致伊母

陳黃氏畏累自戕身死該犯雖非犯姦盜惟伊母之

死究由該犯與彭宗明涉訟所致將陳育美比照子

貧不能養贍致父母自縊例滿流 嘉慶二十一年案

蘇撫 咨鞠得襄平日並無違犯情事因毆傷伊嫂

致母顧氏慮其問罪情急輕生將鞠得襄比照子貧

不能養贍致父母自縊例滿流 嘉慶二十五年案

晉撫 咨李文青因欲販煤漁利將地出租伊母李

因子刃傷人致  
切畏累自盡

古氏恐不能贖錢致無食用愁急自盡應比照子貧  
不能養贍致父母自盡例滿流  
嘉慶二十五年案

廣東司 此案黃馨周因貧夜至鄰人韋琮超家向

其妻韋黃氏討火適韋琮超外歸撞見心疑黃馨周

與其妻有姦當向喝問黃馨周分辨韋琮超趕入伊

家嚷罵黃馨周之母黃梁氏理論韋琮超斥其袒護

用手扭住黃梁氏胸衣推搡黃梁氏喊救黃馨周情

急用刀戮傷韋琮超肚腹韋琮超欲控黃馨周逃避

黃梁氏慮及到官受累投繯殞命韋琮超傷經平復



該撫將黃馨周比照父母教令子犯姦盜後因畏罪發覺自盡例擬杖一百徒三年咨部查該犯因刃傷人致母畏累自盡與因姦因盜致親自盡者不同且該犯之傷人非由伊母教令自應照以別事犯案援照乾隆二十七年比例擬流之通行辦理該撫將黃馨周比照犯姦之子例擬杖一百流三千里事照子貧不能養贍致母自縊例杖一百流三千里事犯到官在本年正月十二日

恩旨以前不准援減  
道光十一年說帖

因子賭博滋事  
致父母自盡

川督 咨趙正迎因被索賄欠金刀傷人致伊母忿  
鬱自盡一案此案趙正迎因賭博輸錢將索欠之胡  
元名用刀割傷手指等處致伊母趙沈氏忿鬱莫釋  
旋即自縊身死該省將趙正迎比照子貧不能養贍  
例擬流咨部查人子不孝致父母自盡之案如果平  
日不遵約束因姦因盜以致父母憂忿戕生自應從  
重治罪今趙正迎平素並無違忤其因賭博輸欠錢  
文被胡元名臥地撒賴逼討以致伊母聞知忿鬱自  
縊是趙沈氏雖爲其子賭輸錢文抱忿輕生而該氏

平素並未會禁約其子賭博該犯亦無違逆母教別  
情核與乾隆二十七年議擬通行相符似可照辦

嘉慶元年說帖

川督 咨唐四觀因賭博犯案致母唐張氏因無食  
用遷怒郭化先首告之愆投繯殞命將唐四觀比依  
子貧不能養贍致父母自縊例滿流

嘉慶十八年案

直隸司 查例載子貧不能養贍致父母自縊死者

杖一百流三千里又名例載斷罪無正條援引他律  
比附定擬各等語又乾隆二十七年本部議以子孫

累及父母自盡者如平時並無忤逆實跡偶以別事犯案其父母自行輕生者卽比照子孫不能養贖例杖一百流二千里等因通行在案今孫添貴與張二劉四等賭博輸給錢文伊母孫黃氏係屬知情嗣因無錢償還賄欠向伊母商允將家存穀麥糶賣清還被同賄之滄張攜帶餘錢逃匿孫黃氏疑係劉四誑騙往向爭吵後氣忿自縊身死查該犯因賭博輸錢曾向伊母商允償還因餘錢被騙致母自盡雖與違犯教令及因姦因盜致親自盡者不同惟究因賭博

被騙致母輕生自應照以別事犯案援照通行比例擬流該督將孫添貴於賭博杖罪上加等擬徒殊未允協應卽更正孫添貴應比照子貧不能養贍致母自縊例杖一百流三千里

道光十年說帖

湖廣司 查此案夏勝太與夏安旺賭博伊父夏泥山知情縱容並代收夏安旺所寫欠約嗣夏安旺因向索還欠約未允赴縣呈告夏泥山畏罪自縊該省將夏勝太比照子犯姦盜父縱容袒護後經發覺畏罪自盡例量減擬徒查賭博雖與姦盜稍殊第犯賭

致父母自盡其陷親死於非命則一例以遣戍誠無可追惟自定例專指姦盜如賭博一項亦與姦盜並論則由此而推爲人子者若稍獲罪譴累及父母輕生訊明父母並不知情概擬絞決未免過重且作奸犯科之事不勝屈指如僅將賭博一項載入例內轉滋掛漏之虞再四思維既有乾隆二十七年通行可援似毋庸纂爲定例今夏勝太一犯該省僅擬城旦係屬錯誤應將夏勝太改照通行內例以別事犯案致父母自盡者比照子貧不能養贍例擬流至山西

父教子行竊敗  
路致母謀殺父

省白五廝輸欠張萬倉賭錢經伊父白成禮代爲詔  
還嗣被張萬倉索欠欲控伊父畏累跳審跌斃一案  
該省亦將白五廝擬徒殊屬輕縱應請交司照夏勝  
太之案一律改擬滿流

嘉慶十五年說帖

浙撫題楊七親教令伊子楊大竊牛宰賣被事主  
查知稟究楊七親之妻王氏斥責其夫教令之非楊  
七親生氣詈罵王氏忿恨起意致死令出嫁姪女陳  
楊氏相幫陳楊氏害怕逃回王氏乘空將楊七親謀  
勒斃命除王氏發遞處死外楊大因伊父教令行竊

子爲匪贖性致  
母謀殺姑圖報

敗露致父被伊母謀殺罪止擬流應依盜牛等例  
枷號充軍陳楊氏係楊七親之出嫁姪女依知人謀  
害不卽阻當救護律杖一百罪上量加一等杖六十  
徒一年  
嘉慶二十四年案

河撫 奏賈成賄博爲匪被祖母鄭氏訓斥輒敢出  
言頂撞復因李振輸錢未給病故卽拉其兄李芳聲  
驢頭作抵被控脫枷逃回因挾賈凌雲作證之嫌將  
其砍傷該犯之母宋氏慮子問罪卽將鄭氏謀斃圖  
賴釀成逆倫重案該犯賈成所犯情罪較之身犯姦



盜祖父母被人謀殺應絞決者爲九重查該犯祖母  
鄭氏雖死非自盡而宋氏之謀殺其姑亦非該犯意  
料所及惟既致祖母死於非命又陷其母於極刑均  
由該犯之觸忤干犯而起罪坐所由將賈成比照子  
孫不孝致祖父母自盡審有觸忤干犯情節例擬斬  
立決

嘉慶十八年案

夫因爭繼涉訟  
致被殺姑圖賴

貴撫 奏秦思元秦惲元因爭繼搜取秦蔣氏契約  
並將其子秦泮元毆傷被蔣氏控州管押秦思元之  
妻吳氏起意謀殺親姑李氏圖賴商同秦惲元之妻

兄空人等受辱  
致弟殺母圖賴

汪氏將李氏尋獲通令夫弟秦登元擒至蔣氏門首  
假裝自縊秦登元卽告知秦思元等聯名呈首將秦  
思元秦囑元比照子孫犯姦盜致父母被人殺害例  
擬絞立決本部以秦思元秦囑元夥起爭讎非身犯  
姦盜可比吳氏等謀毒伊母之時業已羈押在官並  
非意料惟伊母被毒身死究由該犯等爭讎肇釀所  
致將秦思元秦囑元均改照子貪不能養贍致父母  
自縊例滿流

嘉慶十八年案

安撫 奏王助饒囚鄰家竹筴穿入伊地挖取回家

被人辱罵經伊弟王助遺將母施氏勒斃假作自縊  
圖賴一案該省以王助饒不知母係伊弟謀死疑係  
王邦迎等毆勒致斃赴縣呈控將王助饒依誣告人  
死罪未決律擬流加徒欽奉

上諭此案係因王助饒空拳被辱起釁以致伊母王施氏  
挾忿拚命伊弟王助遺身陷逆倫重罪該撫不以起釁  
根山科王助饒之罪轉以誣告王邦迎父子死罪未決  
將王助饒問擬杖流殊覺輕重失倫著交刑部詳核案  
情另行定擬具奏等因欽此查王助饒於伊弟王助遺

謀勒伊母圖賴訊不知情因伊弟以不知伊母如何  
死在王邦迎門口之言捏告該犯又往見伊母額顙  
有傷頸有麻繩纏繞疑係王邦迎父子毆勒致斃情  
急赴控核與有心誣告謀命者不同詳查起釁根由  
該犯雖非因竊起釁惟伊母之挾忿拚命伊弟之身  
犯逆倫皆由該犯宅爭被戾致肇釁端該撫不以起  
釁根由科王助饒之罪率照誣告死罪未決律擬流  
加徒誠如

聖諭輕重失倫查該犯因宅爭肇釁致伊母被人斥罵並

引賣人妻致母  
憂急令弟勒斃

有如此窮苦還要受人欺辱之言該犯不加防範致  
令伊母潛往拚命因而被伊弟謀殺圖賴是該犯係  
因別事釐釁累及所致並非因姦因盜自應改照乾  
隆二十七年通行偶以別事犯案致父母輕生自盡  
者比依子孫不能養贍例擬以滿流  
嘉慶二十二年  
說帖  
湖督 奏董洗魁聽從張陳氏引賣姜李氏伊母董  
周氏知情未阻事發憂急欲行自盡令次子董洗紋  
幫勒斃命一案除謀殺伊母之董洗紋先行凌遲正  
法外其董洗魁一犯因聽從引賣姜李氏係在張陳

氏誘允嫁賣之後並非夥謀誘拐與竄犯竊盜不同  
其母董周氏先係知情縱容後因事發畏罪欲行自  
盡令其弟幫勒斃命應援照通行比依子貧不能養  
贖致母自盡例擬流惟該犯引賣人妻既致知情縱  
容之母畏懼輕生又陷其弟身犯凌遲重罪情節較  
重應請發往新疆爲奴等因查董洗魁聽從張陳氏  
誘拐姜李氏嫁賣伊母董周氏知情未阻迨經事發  
伊母憂急慮恐問罪欲行自盡致伊弟董洗紋將伊  
母勒斃是該犯聽從誘拐婦女係偶以別事犯案自

不得與因姦因盜累及其親者並論細核此案與嘉  
慶二十二年皖省王助鏡改擬滿流之案事異情同  
該省將董洗魁援照通行比依子貧不能養贍致父  
母自盡例定擬尙屬允協至該省以該犯引賣人妻  
既致知情縱容之母畏懼輕生又陷其弟身犯差違  
重罪情節較重請將該犯發在新疆爲奴一節雖係  
酌量懲儆究與從前通行及辦過成案不符應否駁  
改仍候

鈞定奉

父母疑于犯姦  
犯盜被人殺死

批比例恰合至加發新到案關倫紀似難駁改交司照

覆爲妥  
道光四年說帖

湖督 奏田文潮縱容伊妻鄒氏直僱文瑞通姦復  
聽從文瑞行竊敗露被獲致文瑞商同伊妻將伊母  
余氏搭屍以圖搪抵一案奉

上諭吳熊光等奏審明淫惡逆倫之犯分別辦理一摺此  
案僧文瑞與田文潮之妻鄒氏通姦起意商令田文  
潮行竊追竊案敗露竟起意將鄒氏之姑余氏搭死以  
圖搪抵竊案淫兇已極鄒氏聽從僧文瑞謀殺伊姑實



屬淫逆該督將鄒氏凌遲文瑞斬決一應如此辦理惟  
田文潮一犯始而縱令伊妻與文瑞通姦已屬無恥繼  
復聽從文瑞行竊伊母之死實由該犯竊案敗露以致  
文瑞起意謀命搪抵該督等擬以發往黑龍江給披甲  
人爲奴尙覺未協著刑部詳查例案酌量加罪另行妥  
議具奏餘依議欽此刑部查罪應凌遲之鄒氏擬斬之  
僧文瑞俱已先行正法毋庸議外檢查上年七月內  
貴撫奏傳谷象張三張潮俸因霸占隴添貴地畝被  
控拘審傳谷象之妻馮氏起意商同張三之妻尹氏

張潮俸之妻李氏將傅谷象之母蕭氏勒死藉屍圖  
賴將馮氏凌遲處死尹氏李氏俱擬絞決傅谷象亦  
照因盜致父母自盡例擬絞立決奉

旨依議在案此案田文潮因盜竊致伊母被格斃命與  
傅谷象之案情罪相仿應請將田文潮一犯擬絞立  
決嘉慶九年十二月十四日奉

上諭此案僧文瑞圖姦鄒氏不從經田文潮之母余氏與  
田文潮面立勸令鄒氏與文瑞通姦是余氏縱姦圖利  
實屬無恥迨文瑞商允田文潮竊得鄰村稻穀衣物將

餘贓交余氏收藏是余氏又係縱竊本有應得之罪與並未縱容憂忿戕生者迥別若照部議予以絞決在田文潮一犯竊廉鮮恥死何足惜設遇子孫有犯姦盜祖父母父母實不知情者其罪何以復加未免漫無區別田文潮著改爲絞監候秋後處決並著刑部纂入條例嗣後除子孫因犯姦盜祖父母父母並未縱容憂忿戕生者仍照例擬絞立決其祖父母父母縱容祖護後經發覺畏罪自盡者將犯姦盜之子孫發黑龍江給披甲人爲奴外其有祖父母父母縱令子孫犯姦犯盜以致

子犯竊縱容之  
母被捕役毆死

被人毆死或被誤故殺害者均照此例問擬絞候等因

欽此 通行已纂例

雲撫 題捕役陳萬春推跌賊犯普小老之母普楊氏內傷身死一案詳核案情普小老與范期厄偷竊梅三保等家牛隻騾馬勒贖分贓伊繼母普楊氏知情縱容嗣經捕役陳萬春將普小老拿獲楊氏拉住普小老哭泣陳萬春恐普小老乘機掙脫用手向推致楊氏側跌倒地內損殞命查普楊氏縱子行竊實屬有罪之人捕役陳萬春因該氏將其子拉住哭泣

開  
用  
手  
向  
推  
致  
斃  
自  
應  
照  
擅  
殺  
律  
科  
斷  
普  
小  
老  
行  
竊  
助  
贖  
致  
繼  
母  
楊  
氏  
被  
捕  
役  
推  
斃  
訊  
係  
楊  
氏  
平  
日  
知  
情  
縱  
容  
該  
省  
將  
陳  
萬  
春  
依  
罪  
人  
不  
拒  
捕  
而  
擅  
殺  
律  
擬  
絞  
監  
候  
普  
小  
老  
依  
子  
犯  
盜  
父  
母  
縱  
容  
袒  
護  
後  
經  
發  
覺  
被  
人  
毆  
死  
將  
犯  
盜  
之  
子  
擬  
絞  
監  
候  
例  
擬  
絞  
監  
候  
查  
核  
情  
罪  
均  
屬  
相  
符  
似  
可  
照  
覆

宣  
慶  
十  
六  
年  
說  
帖

子犯竊復縱妻  
自盡致母自盡

陝西司 查婦女犯姦致翁姑自盡之案例應究明  
是否死者縱容袒護分別問擬若死者並未縱容袒  
護卽應將犯姦之婦照例擬以絞決不能因係其夫  
縱容違寬其決不待時之罪惟細核案情陶李氏與  
胡啓賢通姦經伊姑陶盧氏兩次撞見不過斥罵禁  
絕並無忿欲自盡心思嗣因伊夫陶大青行竊稻穀  
被人攆逐陶盧氏始行自盡是陶盧氏之哭泣怨命  
雖有該氏先曾犯姦之言而陶盧氏之憂忿戕生實  
因伊夫復行犯竊所致罪坐所由自應專將陶大青

依例問擬絞首卽謂陶盧氏自盡之時究會牽及該犯婦犯姦之事未便令該氏脫然事外亦祇可酌擬實發已足以昭懲創乃該撫既將陶大青依犯盜致母自盡例問擬絞決復將陶李氏於絞決例上量減爲絞候殊未允協罪開生死出入應令該撫另行妥擬

道光十三年說帖

縱子行竊差傳  
其父失足跌斃

陝督 咨外結徒犯張文秀糾夥行竊伊父張成法知情縱容嗣張文秀犯案被獲差傳張成法質訊致張成法失足落崖身死比照子犯盜父母縱容袒護

後經發覺畏罪自盡擬追例上量減一等滿徒

嘉慶十九年案

從子見竊分贓  
事發致母自盡

頂督 咨王得繩見竊分贓伊母張氏縱容袒護後  
因被控張氏忿恨自縊身死該督將王得繩照子貧  
不能養贍致父母自縊例擬流經本部改照子犯盜  
致縱容之母自盡擬遺例上量減一等擬以滿徒

嘉慶十八年案

教子代賊銷贓  
事發其母自盡

浙撫 咨萬景奎因趙汝英等行竊趙首先家牛隻  
託該犯代為銷售經該犯之母圖利勸令銷贓旋因



教子窩贓事發  
其母自盡

教子搶奪族人  
事發其母自盡

發覺該犯之母欲行圖賴服瀆自盡比照母教令子

犯盜後因發覺畏罪自盡例滿徒

道光元年案

陝撫 咨劉學禮聽從伊母窩留何克富行竊被獲

致伊母畏罪自盡將劉學禮比照母教令子犯盜後

因發覺畏罪自盡例擬徒

嘉慶二十二年案

蘇撫 咨闕倫安聽從伊母闕張氏搶取無服族叔

喬麥玖被控告闕張氏畏累自盡究因教令其子搶

奪所致將闕倫安比照母教令子犯盜後因發覺畏

罪自盡例擬徒

嘉慶二十二年案

教令義孫司竊  
事發祖母自盡

教令義女犯姦  
敗露義父自盡

縱子拐藏婦  
事發其母自盡

刑案匯覽

川督 咨羅紹文聽從義祖母羅氏行竊被獲致

羅鄭氏自刎身死查羅紹文係恩義已久配有家室

應比照祖父母教令孫犯盜後因發覺畏罪自盡例

滿徒 嘉慶二十年案

直督 咨栗三教令義女吳栗氏與趙祥通姦後因

敗露致栗三愧迫自盡將吳栗氏比照父教令子犯

姦後因發覺畏罪自盡例滿徒 嘉慶二十三年案

河撫 咨王萬全聽從誘拐李劉氏至家窩藏其母

王任氏貪利縱容後被查知欲控王任氏畏罪自縊

卷四十九 刑律訴訟

六 子孫違犯教令

縱子通姦敗露  
致父謀殺姦婦

將王萬全比照子犯姦盜父母縱容後經發覺畏罪

自盡例擬遣道光三年案

河撫題甄泳祥縱容伊子甄敖與李王氏通姦敗

露謀勒李王氏致死滅口一案查例載發遣新疆黑

龍江當差爲奴者到配安插俱不決杖等語此案除

甄泳祥謀勒李王氏身死照律擬斬外至甄敖與李

王氏通姦敗露致其父謀殺姦婦滅口身罹重辟雖

罪由其父自犯與被人毆死者不同然子犯姦情累

親駢首較之果親自盡者情節尤重該省將甄敖比

縱容子姦拐致  
母被本夫毆死

照子孫犯姦父母縱容袒護後經發覺畏罪自盡者  
將犯姦之子孫擬軍例上加重發新疆給官兵爲奴  
情罪允當應請照竊惟聲明到配杖一百折責安置  
與例未符應行令毋庸折杖

道光六年說帖

川督 題易智喜毆傷鄧孫氏身死一案查此案易  
智喜因妻秦氏被鄧連貴拐逃易智喜卽向知情縱  
容鄧連貴之母孫氏查問孫氏抵賴互相毆詈易智  
喜用刀將孫氏戳傷身死是鄧連貴姦拐易智喜之  
妻秦氏經伊母孫氏縱容袒護嗣孫氏被戳斃命皆

由鄧連貴因姦釀成自應各按本律本例科斷今該  
省將易智喜依闕殺律擬以絞候鄧連貴依子犯姦  
盜父母縱容祖護被人毆死將犯姦之子擬絞例擬  
絞監候查核情罪均與律例相符應請照覆

嘉慶二十二年說帖

縱容通姦致祖  
姑并伊翁自盡

陝西司 查例載婦女與人通姦若父母縱容後因  
姦情敗露愧迫自盡者婦女實發監防給兵丁爲奴  
又子孫犯姦祖父母父母並未縱容因子孫身犯邪  
淫憂忿戕生者擬絞立決子孫之婦有犯與子孫同

科又律載二罪俱發以重者論各等語此案董權氏  
與無服族人董春茂通姦生子致伊繼祖姑董王氏  
並伊翁董萬春先後自縊該撫以董王氏縱容孫媳  
權氏與人通姦愧迫自盡姦婦權氏罪止實發駐防  
給兵丁爲奴惟權氏之翁董萬春於該氏與人通姦  
並不知情今亦自縊殞命若將權氏照子孫犯姦致  
並未縱容之父母憂忿戕生例擬以絞決而董萬春  
之死又由於抱怨其繼母董王氏自縊之後始行畏  
懼投繯究與子孫犯姦憂忿戕生者有間律例並無

專條應否將權氏照子孫犯姦致未縱容之父母憂  
忿戕生於絞立決例上量改爲絞監候等因咨部請  
示查董萬春之自縊雖在繼母董王氏自縊之後然  
其抱怨董王氏由該氏姦情醜聲外揚所致豈得以  
伊翁因媳身犯邪淫憂忿戕生之案因另有縱容之  
祖姑自縊轉得強爲寬貸應將該犯婦董權氏照例  
問擬絞立決

道光五年諭帖○此案復經本司另擬  
稿尼咨覆

司議  
稿尼

查本部核擬題咨案件向憑外省全案供招若  
供招內有情節支離之處尙須逐層駁審不能遽定

罪名此案據該撫咨稱董權氏與無服族人董春及  
通姦經伊祖姑董王氏利資縱容嗣伊翁董萬春回  
歸將母董王氏抱怨以致董王氏自縊董萬春畏罪  
亦卽自縊身死該撫以董王氏因縱容孫媳與人通  
姦愧迫自盡姦婦權氏按照定例罪止實發駐防給  
兵丁爲奴惟權氏之翁董萬春於該氏與人通姦並  
不知情今亦自縊願命若將權氏照子孫有犯姦盜  
致令並未縱容之父母憂忿戕生律擬以絞決而董  
萬春之死又由於抱怨其繼母自縊之後始行畏懼



投繯究與因子孫犯姦憂忿戕生有間遍查律例並無婦女與人通姦祖姑縱容姪未經縱容之翁抱怨其母自縊之後因而畏懼自盡作何治罪專條悉心細核應否將權氏照子孫犯姦致未縱容之父母憂忿戕生擬絞立決量改爲絞監候歸入秋審辦理之處等因咨請部示本部查閱原咨係屬大概畧節並無全案供招該撫止稱董王氏之自縊係因董萬春向其抱怨董萬春之自盡係因畏罪所致而於董萬春查知姦情後曾否向董權氏抱怨及自盡時有何

言語全未聲敘明晰是董萬春果否畏罪自縊抑係  
憂忿戕生之處尙未可定案情既涉疑似罪名殊難  
懸擬且辦理有關倫紀之案向俱照例科罪如情節  
有可矜憫亦只可於疏內將可原情節聲敘明晰不  
得於定案時率行量改應令該撫將董萬春自盡緣  
由研訊明確按例妥擬到日再行核覆

子婦犯姦氏兄  
護短致姑自盡

四川司 查例載子孫犯姦盜祖父母父母並未縱  
容因子孫身犯邪淫憂忿戕生或被人毆死及謀故  
殺害者擬絞立決子孫之婦有犯姦與子孫同科等

語此案王楊氏因與袁成青通姦被伊姑王賀氏撞獲當將該氏斥罵該氏之夫王啓柏趕場回歸王賀氏告知情由囑令王啓柏往告該犯之父楊維貴令其將氏管教楊維貴因有事未及前往嗣楊維貴偕子楊應俸前赴王啓柏家王賀氏向告前情並令管教楊應俸慮恐承認姦情必致伊妹受虧卽稱王賀氏不應捏姦汚讎與之爭吵並稱欲將王賀氏控告王賀氏不依經該氏等將王賀氏勸回房內王賀氏懷忿投繯殞命該督以王楊氏與袁成青通姦經王

賀氏撞見當時止將王楊氏斥罵隱忍數口並無發  
忿欲死之心迨楊應倖爲妹護短但稱王賀氏造言  
涉讎欲行控告致王賀氏氣忿纒號是王賀氏之死  
雖因該氏犯姦而起究由楊應倖逼迫所致例無子  
婦犯姦翁姑並未縱容欲令其親管教口角因而自  
盡治罪明文若照本例絞決未免過重如量減擬流  
收贖又覺過輕將王楊氏依婦女與人通姦致未縱  
容之父母一經見聞殺姦不遂羞忿自盡擬絞立決  
例上量減一等杖一百流三千里仍依縱容通姦愧

迫本例實發駐防給兵丁爲奴袁成青擬徒楊應俸  
依威逼律擬杖等因咨部本部查王賀氏自縊身死  
雖由於氏兄楊應俸爲妹護短捏稱王賀氏造言污  
蔑欲行控告逼迫所致而楊應俸之用言逼迫實由  
於該氏與人通姦而起王賀氏若無念迫情事何以  
令予往邀氏父楊維貴來家管教該氏若無幫同伊  
兄狡飾情事王賀氏何致遽爾輕生原審案情殊多  
未確案關倫紀罪名出入縣殊應令該督另行委員  
確審詳核例案發擬具題

道光七年說帖

李應提姦  
之翁其姑匿郭

陝西司 此案潘氏因與李秀通姦伊翁李應提姦  
致被李秀扎傷身死查李應並非知情縱容潘氏身  
犯姦淫致親翁被姦夫扎斃自應照子犯姦致父母  
被人毆死例問擬今該督以例無專條比依姦夫臨  
時拒捕致死本夫姦婦絞監候例擬絞監候殊未允  
協潘氏應改依子孫有犯姦盜祖父母父母並未縱  
容因伊子孫身犯邪淫憂忿戕生或被入毆死例擬  
絞立決至朱氏既經詢明伊夫被李秀拒斃輒因李  
秀許給日後侍奉並不報官究抵卽與受賄無異該

夫殺姦姦氏  
姑姦婦不知情

督仍照私和本律擬徒亦屬錯誤朱氏應改依夫被  
殺妻受賄私和例杖一百流三千里係婦人照例收  
贖屍子李董娃於伊父被殺時雖經傭工外出這回  
家後伊母告以伊父醉後自戕亦應細加訪察何以  
輒信為真難保無受賄私和情事該督速聽其串捏  
之詞予以免議亦屬未允應令再提李董娃研審確  
情按擬報部嘉慶十四年說帖口是年修例時添出  
子孫之婦有犯悉與子孫同科  
蘇撫題蔣樂與周姜氏通姦謀死縱姦氏姑姦婦  
訊不知情一案查婦之於舅姑與妻之於夫服制雖

同一三年間所犯罪名則有區別夫於妻爲祔體其  
分本無尊卑舅姑於婦爲長上其尊等於父母是以  
所犯罪名有得而同者有不得而同者如謀故殺夫  
與謀故殺舅姑同擬凌遲而毆殺於舅姑與父母均  
仍凌遲於夫則止斬決夫謀故毆死妻概擬絞候而  
舅姑毆死子孫之婦罪止滿徒卽謀故殺亦止加一  
等是也至人命門殺死姦夫一條律稱姦夫自殺其  
夫姦婦不知情者絞例內添纂姦夫自殺夫之父母  
以便往來姦婦不知情亦絞一條係舊日律註雍正



三年纂入例冊迨乾隆四十二年添纂姦夫自殺其夫姦婦雖不知情而當時喊救與事後卽行首告將姦夫指拿到官尙有不忍致死其夫之心仍照本律定擬該督撫於疏內聲明法司核擬時夾簽請

旨一條係欽遵雍正三年

諭旨纂爲定例至今遵行彼時已有姦夫自殺夫之父母姦婦不知情亦絞之例而所奉

諭旨及所纂例又均指明姦夫自殺其夫是婦之於舅姑不得而同焉迨嘉慶九年本部議覆湖督奏田文潮

縱妻犯姦致伊母被姦夫謀死案內奉

旨嗣後父母縱令子孫犯姦以致被人毆死或被謀故殺者擬絞監候亦恭纂爲例十四年本部核覆灰層題  
潘氏因姦致並未縱容之翁被姦夫毆死案內以子  
孫因姦致縱容之父母被人殺害已罪應絞候將潘  
氏改擬絞決是年纂例時改爲子孫因犯姦盜致並未  
縱容之祖父母父母自盡或被人毆死及謀故殺  
害者擬絞立決祖父母父母縱容袒護畏罪自盡者  
發遣被人毆死或謀故殺害者擬絞監候如教令子

孫犯姦犯盜畏罪自盡者徒三年被人毆死及謀故  
殺害者流三千里子孫之婦有犯悉與子孫同科等  
因載在子孫違犯敕令門內其殺死姦夫舊例內姦  
夫自殺夫之父母以便往來姦婦雖不知情亦絞一  
條已屬不用上年奏明刪除是子孫及子孫之婦因  
姦累及父母舅姑之案以父母舅姑之有無縱容敕  
令與是否自盡被殺分別絞決監候發遣流徒與妻  
因姦致本夫被殺未縱容者絞監候縱容者止科姦  
罪之例判然各殊再查本夫之父母舅姑而殺如殺

係姦夫例與本夫同科若殺係姦婦在本夫有絞候  
徒杖勿論之分而夫之父母則例得無罪是舅姑於  
犯姦子婦既不得與夫於犯姦之妻同論則姦婦之  
於舅姑亦不應與姦婦之於夫同例更屬顯然此案  
周姜氏與已故之蔣榮通姦伊始劉氏利資縱容嗣  
劉氏向蔣榮借錢不遂卽行拒絕被蔣榮謀殺斃命  
姜氏聽聞喊告鄰人將蔣榮指拿獲案訊明姜氏並  
無知情同謀情事該撫審將姜氏依父母縱容子孫  
犯姦被人謀殺將犯姦之子孫擬絞監候子孫之婦

有犯與子孫同科例擬絞監候本無錯誤乃復牽引  
姦夫自殺其夫姦婦當時喊救事後首告不忍致死  
其夫之例聲請夾簽以姑媳名分攸關之案而引本  
夫被殺之例以子孫違犯教令門內例文與殺死姦  
夫門內例文强行牽合於名不正於言不順其刑罰  
亦卽不中由是而推則子女之於父母同例應絞者  
皆得援以此附大非定例之本意且縱容子婦犯姦  
以致自盡者姦婦例應發遣教令子婦犯姦致被殺  
害者姦婦始擬滿流而僅止縱容子婦犯姦被人殺

害之案姦婦竟得夾敘減流與犯姦由姑教令者同  
罪較之伊姑死由自盡者反輕亦未平允該省原擬  
既多隔礙應行議駁並通行各省畫一辦理

嘉慶二十一年說帖○通行錄後

蘇撫題蔣榮與周姜氏通姦謀死縱姦氏姑周劉  
氏姦婦訊不知情并蔣榮在監病故一案此案蔣榮  
與周姜氏通姦氏姑周劉氏知情縱容鄰佑共知確  
有證據嗣蔣榮因被周劉氏拒絕忿恨起意謀殺例  
無姦夫謀殺本夫之縱姦父母作何治罪明文應將

蔣榮比例擬斬監候業已病故應毋庸議周姜氏擬絞監候聲明尙有不忍致死其姑之心聽候部議等因除罪應擬斬監候之蔣榮業已在監病故毋庸議外查例載子孫犯姦祖父母並未縱容被人謀殺者擬絞立決如縱容袒護被人謀殺者擬絞監候等語誠以子婦之於翁姑其名分等於父母而重於夫如翁姑殺死犯姦子婦例不與本夫同科罪名則子婦因姦累及翁姑卽不得與本夫同例並論定罪各有專條未便混行牽引比例輕減致與倫紀有乖此案

姜氏與蔣榮通姦伊姑劉氏利資縱容嗣劉氏索償不遂卽行拒絕被蔣榮謀殺殞命該氏聞知喊告鄰人將蔣榮指拿獲案訊明該氏並無同謀加功情事伊姑之被殺雖由該氏首禍故例應論絞因係伊姑知情縱容故得免其立決寬予監候定例已有區分至當時喊救事後首告夾簽兩請之例係專指本夫被殺姦婦不知情而言若因姦致姑被殺並無惟子夾簽之文該撫既將該氏照例擬絞而又率引本夫被殺之例比附聲請於例既屬不符於理亦多未協



姜氏應依父母縱容犯姦被人謀殺將犯姦之子孫絞監候子孫之婦有犯與子孫同科例擬絞監候秋後處決所有該撫聲明夾簽之處應毋庸議本夫周二訊不知情亦毋庸議其錯擬夾簽之承問官查取聯名咨送吏部查議並通行各省畫一辦理

嘉慶二十二年通行

或夫謀殺姦婦  
祖姑姦婦殺告

四川司 查例載姦夫起意殺死親夫擬斬立決又本夫本婦之祖父母父母有捉姦殺死姦夫者其應擬罪名悉與本夫同科又姦夫自殺夫之父母以便

往來姦婦雖不知情亦絞又子孫有犯姦盜祖父母  
父母並未縱容因伊子孫身犯邪淫憂忿戕生或被  
人毆死及謀故殺害者均擬絞立決子孫之婦悉與  
子孫同科又斷罪依新頒例各等語此案何思成與  
李龐氏通姦被本夫李文成之祖母李王氏撞見斥  
罵該犯輒慮送官問罪起意將李王氏致死滅口實  
屬淫惡李王氏係本夫之祖母如捉姦殺死姦夫例  
得與本夫同論則本夫之祖母被姦夫殺死自應與  
殺死本夫之例同科應如該督所題何思成應比照

有姦夫殺死本天例擬斬立決該督疏稱李龐氏與何思成通姦姦夫三氏撞破卽行躲避並無知情同謀情事迨一聞王氏喊叫卽時出外救護並於事後告知李文成等將何思成全獲送究雖尙有不忍致死之心第王氏之死究由龐氏與何思成通姦所致自難輕縱李龐氏合依姦夫自殺其夫之父母以便往來姦婦雖不知情亦絞例擬絞監候秋後處決死係本夫之祖母非本夫被殺可比毋庸以該氏尙有不忍致死之心另行聲請等語查姦夫自殺夫之父母姦

查該婦自殺夫  
之父母姦婦雖  
不知情亦絞之  
例嘉慶十九年  
修例時田查子  
孫之婦犯姦致  
夫之父母被殺  
罪應絞決已有  
專條應將此例  
刪除

婦雖不知情亦絞係屬舊例至子孫有犯姦盜致並  
未縱容之祖父母父母被人毆死擬絞立決子孫之  
婦有犯與子孫同科係嘉慶十四年臣部題定新例  
斷罪依新頒之例況父母舅姑殺犯姦之女與子孫  
較本夫殺犯姦之妻為輕則女與子婦因姦致父母  
舅姑被殺自應較妻因姦致夫被殺為重今李龐氏  
與何思成通姦致夫之祖母王氏被何思成謀殺該  
督將該氏仍依舊例擬絞監候殊屬錯謬李龐氏應  
改依子孫有犯姦盜祖父母父母並未縱容被人毆

死及謀故殺害者均擬絞立決子孫之婦有犯與子  
孫同科例擬絞立決查該氏於何思成砍傷伊祖姑  
王氏之時曾聞聲趨救何思成當卽逃逸迨王氏因  
傷殞命該氏卽投知夫弟尋同伊夫李文成告知情  
由將何思成拿獲報縣是該氏當時曾經救護事後  
復將姦夫指拿送官尙有不忍致死伊祖姑之心核  
與繼姦忘讐者有間理合附疏陳明恭候

欽定該科既稱李文成並無縱姦情事應毋庸議等因奉  
旨龐氏見伊祖姑被害卽將姦夫指拿到官尙有不忍致

死伊祖姑之心著從寬免死減等發落等因欽此

嘉慶十八年諭帖

子婦與人通姦  
翁被姦夫殺死

吉林將軍 咨奉得成因與田鳳財之妻劉氏通姦

拒傷氏翁田忠身死一案職等查例載子孫犯姦祖

父母父母並未縱容被人毆死者擬絞立決如祖父

母父母縱容被人毆死者將犯姦之子孫擬絞監候

子孫之婦有犯與子孫同科又姦夫並無謀殺本夫

之心其因本夫捉姦姦夫已離姦所拒捕殺死本夫

姦婦並未在場及雖在場而當時喊救與事後卽行

首告姦婦仍止科姦罪各等語前條係指子孫之婦  
犯姦致翁姑被人毆死者而言後條專指姦夫毆死  
本夫者而言是姦夫毆死姦婦之翁姑與毆死本夫  
其姦婦應擬罪名各有專條不得將毆死翁姑之案  
牽引毆死本夫之例致罪名出入懸殊此案李得成  
與田劉氏通姦本夫田鳳財並不知情縱容嗣劉氏  
赴李得成家姦宿田鳳財知覺找至李得成家將劉  
氏責毆李得成隨用掖刀毆傷田鳳財額顙田劉氏  
跑回喊救伊翁田忠及夫兄田鳳有踵至奔護李得

成持刀毆傷田鳳有右額角等處田鳳有奪刀李得成恐被奪去舉刀迎毆田忠近前護子用手一擋被李得成毆傷左手腕越十二日殞命該將軍將李得成依罪人拒捕殺所捕人律擬斬監候職等查核與例相符應請照辦至該犯婦田劉氏因與李得成通姦致伊翁被李得成毆斃該氏雖於伊夫與李得成鬪毆時卽行往喊伊翁趕救若李得成將伊夫毆斃該氏尙有不忍致死其夫之心與當時喊救仍止科姦罪之例相符今李得成係毆斃該氏之翁並非毆



第該氏之夫如非縱容自應將該氏照子孫犯姦父  
母並未縱容被人毆死擬絞立決子孫之婦有犯與  
子孫同科之例科斷若係知情縱容亦應照例問擬  
絞候該將軍將該氏比照姦夫拒殺本夫姦婦當時  
喊救例擬以枷責實屬錯誤惟查該氏供詞止稱伊  
夫因風財並不知情死者是否知情縱容該將軍並  
未研訊確情據實聲敘案情不無疑義罪名出入攸  
關應請交司照令另擬奉

批頃據奉天司又查出滅流成案數件一併交館核等因

查例載姦夫並無謀殺本夫之心其因本夫捉姦姦夫已離姦所拒捕殺死本夫姦婦並未在場及雖在場而當時喊救與事後即行首告姦婦仍止科姦罪又律載姦夫自殺其夫姦婦雖不知情絞監候又例載姦夫自殺其夫姦婦雖不知情而當時喊救與事後即行首告將姦夫指拿到官尙有不忍致死其夫之心者仍照本律定擬該督於疏內聲明法司核擬時夾發請

旨等語此姦婦分別止科姦罪及問擬絞候夾簽詳請係

指姦夫殺死其夫而言又例載子孫犯姦祖父母父  
母並未縱容被人毆死者擬絞立決如祖父母父母  
縱容被人毆死將犯姦之子孫擬絞監候子孫之婦  
有犯與子孫同科等語此子孫分別同擬絞決絞候  
係指犯姦致祖父母父母被人毆斃而言兩例同屬  
因姦貽禍而擬罪則輕重不同蓋祖父母父母名分  
較本夫尤重故擬罪不能不加等也例稱祖父母父  
母被人毆死將犯姦之子孫擬絞上須論其是否因  
姦不必計其姦情已未敗露既係因姦致祖父母父

姦夫拒傷民翁  
後因病身死

母被殺不必論其是否因捉姦被姦夫拒斃及兇手  
是否姦夫而犯姦之子孫及婦女皆當依例定讞所  
謂罪坐所由也若如司議必須姦情既已敗露姦夫  
因捉姦被獲拒毆氏翁氏姑致死而後將子孫擬絞  
則縱容之祖父母父母被殺及因盜致祖父母父母  
被人毆死又將如何區別且如姦情未露姦夫因其  
翁姑礙眼自行謀斃豈能將姦婦亦僅科以姦罪乎  
至該司查出成案內安徽省吳文紅與艾余氏通姦  
拒傷氏翁艾悰耀平復後因病身死一案查艾悰耀

姦婦業已悔過  
姦夫拒殺氏翁

係死於病非死於傷姦婦自燬止科姦罪本案氏翁  
明係被毆致死殊難並論又乾隆五十六年四川廖  
雷氏及五十一年山東李申氏二案一係止科姦罪  
一係由絞減流又嘉慶九年直隸伊得方一案於遺  
罪上減等擬徒查子孫犯姦致祖父母父母被人毆  
死擬絞之例係嘉慶十四年始行纂定而廖雷氏等  
三案均在未經定例以前不得援以爲例至嘉慶二  
十年陝西省楊思魁與任氏通姦拒斃氏翁一案因  
該氏被氏翁任克潛擄被毆冒立誓改悔迨後楊思

魁復往欲圖續姦致將氏翁拒傷身死任氏卽指名  
具報將楊思魁依罪人拒捕殺所捕人律擬斬監候  
任氏比照子孫犯姦祖父母並未縱容被人毆死絞  
決例上量減一等擬流任氏係悔過拒姦之婦與現  
案情節尤屬大相逕庭均未便援以爲式復悉心檢  
閱如嘉慶十七年川省題吳大與李癸姑通姦吳大  
拒姦氏父李三耀身死一案又嘉慶二十一年貴州  
省題劉守斌與劉氏通姦劉守斌拒傷氏姑鄒氏身  
死一案又道光元年直隸省題司七與司二姐通姦

司二姐之父司儉因往找司七將司七之母梁氏毆斃一案又道光二年雲南省奏張老荷與何徐氏通姦張老荷圖拐何徐氏謀殺氏姑何楊氏一案各該省將各犯等俱依例擬絞立決核覆在案惟嘉慶十八年川省題何思成與李龐氏通姦何思成謀殺氏祖姑王氏一案將龐氏擬絞立決聲明該氏當時救護事後指拿尙有不忍致死之心奉

旨將該氏從寬免死減等發落等因在案此案田劉氏與李得成通姦致李得成拒殺氏翁田忠身死田忠雖

非捉姦而往第李得成之與氏夫田鳳財等毆係屬  
因起毆田忠之前往護子致被毆斃並無另有起  
釁別情正與子孫犯姦致祖父母父母被人毆死之  
例相符若田忠並未縱容例應將劉氏問擬絞決因  
該省未將是否縱容一層聲明罪關立決監候出入  
議請駁令另擬係屬依例辦理並非平空臆斷其是  
否縱姦雖伊翁田忠已被毆死而姦婦姦夫尙在儘  
可向其根究若必欲出諸死者之口始爲確據則凡  
縱姦並無死者生供之案豈皆非信讞乎再四斟酌



此案似應仍照前議駁令另行審擬將來審明後如  
田中實無縱姦情事應即將田劉氏按例擬以絞決  
即使該氏係因喊救氏夫起釁氏翁死非意料情節  
尙有可原亦祇可仿照李龐氏之案於疏內聲明其  
可否量予末減之處恭候

欽定此時似難破例從寬遽議輕減奉

批交司照辦

道光四年奉天司說帖○成案錄後

嘉慶十七年四川省題吳大與李三燿之女李葵姑  
通姦李三燿並不知情嗣吳大詢知李三燿睡臥

役與李癸姑犯姦甫畢李三耀起而撞見將吳大  
拿住李癸姑乘間逃跑吳大掙不脫身用刀砍傷  
李三耀身死李癸姑依子孫犯姦父母並未縱  
容被人殺死例擬絞立決

嘉慶二十一年貴州省題劉守斌與鄰居之劉氏通  
姦氏站鄰氏並不知情嗣劉氏於夜間潛赴劉守  
斌家竊姦鄰氏喚令劉氏燒茶不應起視劉氏不  
在屋內後門開啟隨往跟尋適劉守斌正開房門  
放劉氏回家鄰氏瞥見趕至劉守斌屋內將其揪

住喊拿劉氏乘間逃回劉守斌被揪情急用力將  
鄒氏戳傷終命將劉氏依子孫犯姦致祖父母被  
人毆死擬絞立決子孫之婦有犯與子孫同科例  
擬絞立決

道光元年直隸省題司七與無服族妹司二姐通姦  
司七之母梁氏並司二姐之父司儉等均不知情  
嗣因司七欲與司二姐續舊被司二姐之弟司小  
七瞥見喊嚷司七逃跑司二姐因姦情敗露卽自  
縊身死司儉忿往找司七不依梁氏出向查問

司儉告述情由梁氏答以司七並未回家司儉欲  
進屋搜尋梁氏混罵司儉用腳踢傷梁氏右脇等  
處殞命將司七依子孫犯姦父母並未縱容被人  
毆死例擬絞立決

道光二年雲南省奏張老苟與何徐氏均駕船一處  
捕魚該犯與該氏通姦氏姑何楊氏並不知情因  
該犯常與該氏玩笑恐有姦情將船另與同幫停  
泊該犯因不能續姦欲行設法誘拐適何楊氏船  
隻被風吹激撞破船底何楊氏用棉絮堵塞該犯

瞥見顧觸機謀遂於是夜將已船駛探聽何楊氏睡熟將何楊氏船隻帶至海心拉住船邊摸著撞破處所空去棉絮登時水入船艙該犯將何徐氏拉救過船致何楊氏與子何小五均被淹身死將何徐氏依子孫犯姦父母並未縱容被人謀故殺害者擬絞立決子孫之婦有犯與子孫同科例擬絞立決

南撫○題梁鳳玉等聽從梁秀汶糾毆致傷蕭子紫身死非梁秀汶殺子圖顧解審在途病故一案查例

與人通姦殺害之祖被人毆死

載子孫犯姦祖又母父母縱容祖護後經發覺被人毆死者將犯姦之子孫擬絞監候又其毆案內遇有原謀解審中途病故准其抵命將下手應絞之人減等擬流各等語此案蕭王滙因與無服族姪梁氏通姦被本大蕭民全撞見喊捉跑走蕭王滙之祖蕭子榮聞知並未管教梁氏被夫休回經氏父梁秀汝將梁氏改嫁嗣蕭士滙撞遇梁氏相約續姦氏兄梁棚倡瞥見斥罵跑走梁棚倡歸告梁秀汝存同蕭子榮告述令其管束蕭子榮袒護斥罵梁秀汝懷忿起意

糾毆邀允族人朱寬玉梁孟生並于梁夢生等同往  
梁孟生先用刀砍傷蕭子縈顙門于縈撲奪梁寬  
玉攏護用刀砍傷其左額角等處倒地蕭王濫攜刀  
趕出將梁夢生砍傷蕭子縈因傷身死梁秀汶畏懼  
起意殺子圖賴即將梁夢生砍傷身死梁秀汶因解  
審在途病故查蕭王濫與梁氏通姦致祖護縱容之  
祖蕭子縈被人砍斃應照例擬以纓首梁寬玉聽糾  
砍斃蕭子縈律應擬抵惟原謀梁秀汶解審中途病  
故例得減等擬訊至梁秀汶故殺伊子圖賴該犯並

無知情同謀請事該省將蕭王濬依子孫犯姦致祖  
護之祖被人毆死例擬絞監候梁寬王依共毆案內  
遇有原謀解審中途病故准其抵命將下手應絞之  
人減等擬以杖一百流三千里查核情罪均屬允協  
應請照覆

嘉慶十八年說帖

發夫非姦所捕  
姦婦之翁

川督 題石光榮與葉氏通姦毆傷氏翁唐榮盛身  
死一案查此案石光榮因與葉氏通姦拒捕毆傷氏  
翁唐榮盛越日殞命該省將石光榮依罪人拒捕殺  
所捕人律擬斬監候與律相符至葉氏與石光榮通



姦曾經伊翁唐榮盛查知斥禁該氏不知悔過復至  
石光榮家問要唐榮盛經見不依致被石光榮毆傷  
斃命查于身犯邪淫致並未縱容之父母被人毆死  
例應絞決于婦有犯與子同科則該氏之因姦致伊  
翁慘遭毆斃自應依子犯姦父母並未縱容被人毆  
死例擬以絞決今該省將該氏比照姦夫自殺其夫  
之父母姦婦雖不知情例擬以絞候是舍正例而比  
引他條殊屬曲爲開脫案情既無疑竇似可就案照  
例改擬毋庸駁審謹擬稿尾錄呈

稿  
尾查律載罪人

拒捕殺所捕人者斬監候又例有犯姦盜祖  
父母父母並未縱容因子孫身犯邪淫被人毆死擬  
絞立決子孫之婦有犯與子孫同科各等語此案石  
光榮與唐榮盛之媳葉氏通姦拒捕毆傷唐榮盛身  
死應如該情所題石光榮合依罪人拒捕殺所捕人  
者斬監候律擬斬監候秋後處決至葉氏與石光  
通姦曾經伊翁唐榮盛查知斥禁乃該氏復至石光  
榮家閤耍起釁以致伊翁被石光榮毆斃查子身犯  
姦淫致父母被人毆死例應絞決子婦有犯例與子

過門後已拒絕  
姦夫謀殺其翁

同科今該督將該氏比照姦夫自殺其夫之父母以  
便往來姦婦雖不知情例擬以絞候是舍正例而比  
引他條殊屬輕縱唐葉氏應改依子孫犯姦祖父母  
父母並未縱容被人毆死擬絞立決子婦有犯與子  
同科例擬絞立決

嘉慶十八年說帖

陝撫題楊成與昔余氏在室時通姦過門之後經  
氏翁黃大義禁阻余氏亦卽拒絕該犯續姦不遂將  
黃大義謀勒致斃除楊成依謀殺人擬斬監候外查  
黃余氏未嫁之先與楊成通姦過門之後卽行改悔

父被姦夫謀殺  
忘結姦姦匿供

拒絕與過門之子姦犯姦致翁姑被殺者有問將黃

余氏於子孫犯姦祖父母被人殺害擬絞例上量減

一等滿流

嘉慶二十年案

提督 奏張黑子向在韓幅被局幫夥乘間與韓幅

之女老兒通姦因將韓幅被毆質當被韓幅查知逼

索懷恨夜至其家與老兒續姦乘間將韓幅砍斃並

非因姦起釁應照謀殺問擬將張黑子依謀殺律擬

斬監候該犯既姦其女復敢於姦所謀殺姦婦之父

應請

子犯姦致義父被姦夫殺死

旨卽行正法老兒與張黑子通姦於張黑子挾嫌將韓幅謀死該氏訊未與謀而迴護姦情面同伊母不將兇犯指出應比照子孫犯姦父母並未縱容致被殺害例擬絞立決蔣氏於夫被殺聽從伊女不供出兇犯姓名依夫爲人殺妻私和律滿徒道光二年福建司現審案蘓撫題倪連沅因與俞袁受義子俞傳宗姦被俞袁受撞破斥罵倪連沅將俞袁受故殺比照姦夫親父例斬決俞傳宗因姦致義父被殺該犯過繼在十五歲以前思義已久照子孫犯姦父母並未

婦被誘拐同逃  
致釀逆倫重案

縱容被人謀故殺害例擬絞立決

道光元年案

廣東撫 題小張王氏被林翰清等拐逃嫁賣本夫  
張榮先指名控縣林翰清等狡不承認該縣差傳張  
榮先質訊適張榮先外出生理該差向其兄張亞然  
查詢爭鬧張亞然之母老張王氏聞聲趨視被差撞  
倒張亞然氣忿即喝令婦女將差捆毆關禁恐到官  
治罪即撻死伊母誣告差役致斃查小張王氏被林  
翰清等拐逃致夫兄捆差畏罪撻死伊姑誣告訊無  
姦情與犯姦致未縱容之姑被殺者不同未便遽擬

累親致死犯非  
謀故毋庸立決

綴首惟因該氏被誘拐逃致釀重案若比例減等擬

流收贖贖屬輕縱應酌發駐防給兵丁爲奴

道光元年案

陝撫 題董文仲等其毆李石兒身死致伊母直楊

氏自縊身死一案查例載子孫有犯姦盜祖父母父

母並未縱容因伊子孫身犯邪淫憂忿戕生或被人

毆死及謀故殺害者均擬絞立決如祖父母父母縱

容袒護後經發覺畏罪自盡者將犯姦盜之子孫改

發雲貴兩廣極邊烟瘴充軍被人毆死或謀故殺害

者將犯姦盜之子孫擬絞監候如祖父母父母教令

姦父調姦子  
姦教父被人毆  
死姦載誣執翁  
姦條

子孫犯姦犯盜後因發覺畏罪自盡者將犯姦盜之  
子孫杖一百徒三年被人毆死及謀故殺害者將犯  
姦盜之子孫杖一百流三千里若子孫罪犯應死及  
謀故殺入事情敗露致祖父母父母自盡者卽照各  
本犯罪名擬以立決等語溯查此條定例係乾隆三  
十四年五月內本部核擬廣東省何長子誘姦幼女  
何大妹致母廖氏服毒身死一案將何長子改擬斬  
決具題奉

旨何長子祇應照子孫過失殺父母例科斷著改爲絞決



幼孩誤斃人命  
致父愁急自盡  
惟幼稚無知日  
罪止擬流與罪  
犯應死累父戕  
生不同毋庸加  
重案載老小廢  
疾收贖條

嗣後有案情似此者均照此問擬著為令其有應行分  
晰定例者並著悉心詳議具奏欽此當經本部查子孫  
因姦因盜以致祖父母父母憂忿戕生或畏罪自盡  
此等自作罪孽并至貽害其親雖非手自傷殘實與  
過失殺傷情罪相等至人命案內如謀故殺人之犯  
情罪重大本無可寬如有祖父母父母因此自盡尤  
不可使其苟延殘喘議請嗣後凡子孫因姦因盜罪  
犯應死及於謀故殺人事情敗露致其祖父母父母  
自盡者即照各本犯斬絞罪名擬以立決等因奏並

通行載入例冊是子孫罪犯應死到祖父母父母自盡擬以立決之例定例原奏內係專指因姦因盜者而言蓋因姦盜罪犯應死有斬絞之不同故照各本犯斬絞罪名擬以立決至人命案內又特指明謀故殺人一項則其餘命案不係謀故殺人所犯死罪不係因姦因盜自不在立決之例迨嘉慶四年九年十四年歷次纂修條例時將子孫有犯姦盜祖父母父母縱容袒護並祖父母父母教令子孫犯姦犯盜異罪自盡或被人毆死及謀故殺者子孫分別治罪之

條陸續增入例內罪犯應死四字之上雖無因姦因盜字樣然細繹此條例文原係專爲子孫犯姦犯盜而設子孫犯姦盜致並未縱容之祖父母父母身死固不論其所犯姦盜之罪是否應死均當擬以絞決而祖父母父母縱容袒護及教令子孫犯姦盜後因畏罪自盡或被人毆死及謀故殺害止應分別擬以絞候軍流徒罪此內如有因姦致贖人命應照因姦威逼人致死例擬以斬候或行竊刃傷事主應照刃傷事主例擬以絞候卽屬罪兇應死應各按其本犯

罪名擬以立決且例稱若者文雖殊而會上意是子孫罪犯應死仍係承上文各項盜而言如謂罪犯應死不必因姦因盜而謀故殺人豈非罪犯應死何以又於罪犯應死句下特載謀故殺人一項可見謀故殺人不必因姦因盜而罪犯應死必須因姦因盜也反覆玩味例義甚屬明顯引斷豈容牽混此案董文仲因問伊母董楊氏喊稱伊姪董正芳被人毆壞該犯同子姪先後趨至將與董正芳扭結之李石兒其毆斃命伊母董楊氏慮伊問罪憂鬱莫釋乘間投

因瘋殺妻致父  
自盡仍擬絞候

續殞命該省將董文仲依其毆人致死律擬絞監候

並昭罪犯應死致母自盡例擬絞立決具題查董文

仲係護姪其毆李石兒致死所犯死罪既非因姦因

盜又非謀故殺人核與致父母自盡擬以立決之例

迴不相符該省將該犯擬絞立決殊未允協應駁令

另行安擬

道光二年說帖○旋據遵駁將董文仲改依共毆人致死律擬絞監候見成案

雲撫題鄭汶甲因瘋毆妻至死致父自盡一案此

案鄭汶甲因瘋砍傷伊妻穆氏身死到案驗係瘋迷

覆審業已供吐明晰已死穆氏並無親屬既據該撫

訊據族鄰人等僉供該犯實係瘋發砍傷伊妻致死  
委無捏飾別情應如所擬鄭汝甲合依夫毆妻至死  
律擬絞監候該撫疏稱該犯之父鄭昆因聞伊媳被  
殺情急自戕殞命應否比照子孫罪犯應死致父母  
自盡例擬絞立決抑仍照毆妻至死本律予以監候  
之處聽候部議等因查鄭汝甲係毆妻至死所犯死  
罪既非因姦因盜應擬死罪又非謀故殺人核與致  
父母自盡擬以立決之例並不相符自應仍照毆妻  
至死本律定擬該撫聲明聽候部議之處係屬誤會

應毋庸議

道光二年說帖

叔父毆死功叔  
致母愁急自盡

陝督 題孟哈雙喜毆死小功服叔孟作有並伊母  
愁急自盡一案查例載子孫罪犯應死及謀故殺人  
事情敗露致其祖父母父母自盡者即照各本犯罪  
名擬以立決等語細繹例義係專指兇惡不法之徒  
忘其身以及其親者而言核其犯罪之由係孽由自  
作復累其親憂忿自盡則是罪不容誅未便稍稽顙  
戮是以定例即子立決至因救父情切毆斃有服親  
屬致犯母愁急自盡其犯應死之罪既非無故逞兇

則其累及所生卽屬請可矜憫似不應在例載立決之列此案蓋哈雙喜因小功服叔孟作有將伊父孟作義揪住毆傷左眼孟作義負痛聲喊該犯聞聲趨視拉勸不開勢在危急用棍毆傷孟作有額顱腰眼越日殞命該犯之母劉氏聞知慮子犯罪愁急自縊身死該省聲明該犯毆死服叔業已罪子斬決又致伊母自盡罪無可加該司照擬核覆係屬按例辦理惟查伊母之愁急戕生固由該犯懼毆叔之罪而該犯之毆斃服叔實因救父有危急之情與身蹈重戾



累及其親者迴別其情節實可矜憫該犯救父情切  
毆斃服叔既非無故逞兇干犯本可夾簽聲請今致  
伊母自盡固未便仍援例夾簽第以情堪矜憫之案  
竟與尋常毆斃服叔情重之案一律處決於情理實  
不得其平自應於本部出語內將該犯情可矜憫之  
處聲敘地折冀可幸邀

恩施謹於稿內擬改數語候

鈞定後飭司遵辦  
嘉慶二十一年說帖

呈送子媳二人  
一併發遣

查篤疾人犯向  
有實發之案並  
無監禁之條今  
郭萬香雖雙目  
俱瞎惟伊母呈  
送發遣未便收  
監該侍明聲請  
永遠監禁係屬  
錯誤應令將該  
犯卽行發配道  
光十一年奉天  
司說帖

江西 咨程廷彪呈送伊子並伊媳一併發遣一  
案此案程廷彪因伊子程邦桂不聽教訓出言頂撞  
伊媳王氏亦頂撞伊姑不服管教一併呈請發遣  
撫將程邦桂依律擬軍王氏援昭嘉慶六年本部審  
奏范氏觸犯伊姑離異之案斷令離異等因查范氏  
係違犯伊姑教令經伊夫考善呈送斷令離異並非  
由翁姑呈送與此案不同查夫因妻不能奉侍翁姑  
呈告到官止應斷令離異若翁姑呈送子媳懇求一  
併發遣是夫婦皆屬不孝之人自應一律治罪以示

懲儆未便因律無一併發遣明文僅令離異歸宗致  
滋寬縱本部向來辦理此等案件凡係父母呈送子  
與媳一併懇求發遣者俱將其夫依例問擬其妻卽  
令隨同伊夫一併發配今程邦桂夫婦既均爲父母  
呈送自應文律辦理程邦桂一犯應如所咨實發烟  
瘴充軍其妻王氏應令該撫卽交與伊夫程邦桂一  
併帶赴配所安置

嘉慶十三年說帖已纂例

婦居子婦觸犯  
翁姑未便發遣

直督 奏老吳張氏呈首伊媳小吳張氏屢次撒發  
頂觸並宜次砌詞京控不服管教懇求發遣一案查

律載子孫違犯教令者杖一百又七出條註云不事舅姑又例載祖父母父母呈首子孫懇求發遣及屢次違犯觸犯者即將被呈之子孫實發烟瘴地方充軍如有子孫之婦一併呈送者將被呈之婦與其夫一併僉發安置各等語是子孫之婦必與其夫一併呈送始一併僉發若子孫已故其婦卽有屢次違犯觸犯情事例無舅姑呈送卽將子孫之婦實發專條蓋婦人義重從夫所以不令隻身遠戍者不惟示矜恤亦以維禮教若令孀婦子身遠適異鄉儕於奴隸

尤非敦崇名節之義此案小吳張氏與夫弟吳玠等  
評訟及節次翻控究因吳玠將其毆踢並砸毀器皿  
經官斷結後吳玠不卽賠還所致事出有因尙非憑  
空註捏至該氏平日不服伊姑管教屢次頂撞雖有  
應得之罪未干實發之條乃該督以老吳張氏呈懇  
發遣遽將該氏照呈送子孫實發烟瘴之例改發駐  
防爲奴與例不符小吳張氏除節次赴京呈控尙屬  
事出有因不議外應改依違犯教令律擬杖一百事  
犯在嘉慶二十五年八月二十七日暨十二月初三

日並本年四月初七日

恩詔以前案關不孝應不准援免惟係婦婦酌子收贖該

氏既屢次頂觸伊姑有犯應出之律應勒令歸宗以

杜弊端

道光元年說帖

孀媳淫亂頂撞  
祖姑未便發遣

陝督 咨嚴孫氏與夫大功兄嚴六娃通姦伊祖姑

劉氏前往捉姦被該氏頂撞經劉氏呈請發遣將該

氏實發駐防爲奴本部以該氏係屬孀婦若因頂撞

祖姑輒令其隻身遠戍與例不符惟與伊夫堂兄通

姦應改依姦總麻以上親律擬徒杖決徒贖該氏既

屬汪亂不貞又復頂撞祖姑已于七出之條勒令歸

宗 道光二年案

因子逃避兩赦  
不回呈請發遣

河南司 審擬謝幗興喊告鍾二同伊子謝立兒將  
伊毆打一案此案謝幗興先因其子謝立兒不聽管  
教赴中城呈送貢德旋有鍾二因犯夜被獲經官責  
釋謝幗興聞知以伊子謝立兒與鍾二等常在一處  
恐有夥同行竊情事赴提督衙門具控謝立兒聞知  
逃避鍾二亦混稱謝幗興邀伊賭博經提督衙門送  
部審明將謝幗興鍾二俱杖責釋放後謝幗興因謝

立兒總未回家復兩次與鍾二爭鬭涉訟均經南城  
訊明取結完案謝立兒逃後於上年十一月投充正  
藍旗漢軍步甲慮伊父送官不敢回家謝帽興撞遇  
鍾二憶及伊子找尋不見噴鍾二與伊子遊蕩彼此  
分爭扯控經提督衙門將謝立兒傳案送部審據謝  
帽興供稱情愿將伊子發遣查謝立兒先因不聽伊  
父謝帽興管教經官責懲嗣復與鍾二等閑遊經其  
父將鍾二等喊告該犯卽逃避在外兩年有餘並不  
回家養贍伊父雖訊無另有忤逆別情究屬忘親不



之殺留養之後  
伊母呈請發遣

孝現據其父懇請發遣自應照例問擬謝幅與因伊  
子與鍾二常在一處屢將鍾二牽控茲途遇鍾二復  
向其村斥互揪鍾二先將謝幅與馬褂撕破均屬不  
合該司將謝立兒照父母懇求發遣例發極邊烟瘴  
充軍謝幅與照不應重律擬杖鍾二照不應輕律擬  
笞查核情罪均屬允協應請昭辦  
嘉慶十七年現着  
案說帖  
安徽司 查例載夫毆妻至死之犯若留養之後如  
有不安分守法別生事端無論罪名輕重卽照現犯  
之罪按律定擬又父母呈首子懇求發遣者發烟瘴

訓斥頂撞致母  
自行撞傷呈送

地方无軍各等語此案張勇富前因砍死伊妻朱氏  
照律擬絞監候因母老丁單照例枷責准其存留養  
親題結在案詎該犯並不顧母衣食復屢行觸犯經  
伊母呈送發遣是該犯前擬絞罪業經照例枷責題  
結今屢行觸犯伊母該撫科其現犯之罪擬軍係屬  
按律辦理似應照擬

嘉慶七年說帖

晉撫 咨宋常孩因賭博輸錢欲當伊母馮氏衣服  
備欠被母訓斥頂撞致馮氏抱忿自行撞傷呈送應  
照父母呈首子懇求發遣及違犯觸犯例擬遣

刑案匯覽

道光元年案

子犯搶奪被父  
首送發遣免刺

因子行竊呈首  
發遣免刺道光  
六年並錄咨報  
正犯病故冊內

劉馬抱

安撫 咨梁兆遠呈首伊子梁義觸犯并強搶杜有  
亮等牛驢懇求發遣一案查律載犯罪未發而自首  
者免罪又於法得相容隱之親屬為之首如罪人身  
自首法等語此案梁義起意搶奪杜有亮等牛驢經  
杜有亮等出錢贖回未經控究嗣因伊父梁兆遠查  
知訓斥不服即將梁義搶奪觸犯各情呈首懇請發  
遣是梁義之原犯搶奪業經伊父梁兆遠於事未發  
之先據實呈明核與親屬為之首如罪人自首免罪

之律相符自應免其搶奪之罪仍按觸犯本例問擬  
該撫聲明搶奪係屬輕罪不議外仍盡本法面刺搶  
奪二字係屬錯誤梁義除搶奪牛驢經伊父首告律  
得准其免罪外合依父呈首子發遣例實發烟瘴充  
軍該犯事犯到官在本年正月初一日

恩詔以前查詢伊父如願將該犯領回准其減為杖一百  
徒三年枷責發落如不願領回仍照原擬發配並照

例實題

嘉慶十四年設帖

送子發遣尚未  
起解復請免遣

江西撫

咨朱汪氏呈送伊子朱志洪發遣追悔懇

請免遣一案查律載子孫違犯教令者杖一百又例  
載祖父母父母呈首子孫懇求發遣者將被呈之子  
孫實發烟瘴充軍各等語是子孫一有觸犯經祖父  
母父母呈送者如懇求發遣卽應照實發之例擬軍  
如不欲發遣止應照違犯之律擬杖此案朱志洪平  
日懶惰遊蕩不聽伊母教訓經伊母呈請發遣咨部  
核覆在案今據該撫咨稱朱汪氏因孀守多年別無  
子嗣倚靠朱志洪向無觸犯情事追悔前情求免發  
遣本部檢查朱志洪原案僅止違犯教令尙無忤逆

呈送子孫免遣  
旋復呈懇免遣

重情既據伊母朱汪氏呈請免其發遣自應照律科  
以違犯之罪該撫將朱志洪比照軍犯告稱父母老  
疾應侍家無以次成丁例擬以枷杖殊未允協朱志  
洪應改依子孫違犯教令律擬杖一百給與伊母朱  
汪氏領回管束

嘉慶二十二年說帖

蘇撫咨周可江呈送伊子周長春發遣旋卽呈懇  
免遣一案檢查嘉慶二十一年陝西司審辦陳張氏  
因子陳貴不服管束呈請發遣尙未起解復據陳張  
氏呈求免遣將陳貴依子孫違犯教令律擬杖一百

密雲副都統將  
被父呈請發遣  
之彥明解部轉  
發正在辦稿間  
經伊父懇求免  
遣將彥明杖一  
百釋放道光三  
年直隸司案

辦結在案又二十二年奉天省咨馬尙齡請將觸犯  
呈送發遣之孫馬中孔存留養親一案又咨馬照觸  
犯生父馬尙齡呈送發遣解配中途脫逃回籍經嗣  
母馬何氏帶同投首懇求留養馬尙齡亦代爲懇求  
一案又江西省朱汪氏呈送伊子朱志淇發遣追悔  
懇請免遣一案此三案原擬俱照軍犯留養例擬以  
枷杖咨部均經本部改依子孫違犯教令律擬杖一  
百各在案此案周長春病後糊塗因伊父周可江買  
魚遲延語言頂撞經周可江呈請發遣尙未起解據

周可江以老病無人呈求免遣該省將周長春照遇  
赦查詢犯親願令回籍依親老丁單留養例枷責發落核  
與歷辦成案互異應請交司查照更正 續據本司  
查出該司於道光五年核覆妻縣金成棟觸犯伊父  
金紹文呈送發遣金成棟在監悔過金紹文結求免  
遣照遇

赦減徒例枷責發落成案回

堂將周可江一案照覆 道光七年諭帖

江西司 查例載父母呈子懇求發遣即將被呈之

山繼之子本牛  
繼母呈送發遣



子實發烟瘴地方充軍又爲人後者如於木生父母  
有犯仍照律定罪又繼母告子不之拘四鄰親族人  
等勘審是實依律問斷又名例律載繼母與親母律  
同各等語此案江德煥出繼與胞伯江成洋爲嗣江  
吳氏係該犯本生繼母該犯先經盜賣江吳氏膳田  
三十餘畝經江吳氏備價贖回田畝將該犯責釋嗣  
江吳氏因食用乏資將贖回田畝賣與同族江德照  
管業該犯知而生氣捏說江德照謀買贖回尋覓江  
吳氏訓斥該犯出言頂撞江吳氏氣忿赴縣呈首該

頂撞嫁母情輕  
獨子未便發遣

撫以江吳氏係該犯本生繼母與生母有間將江德  
煽依父母呈子發遣例量減一等擬以滿徒等因咨  
部查為人後者於本生父母有犯仍照律定罪繼母  
與親母同例有明文未便因非其所出曲為量減自  
應將江德煽實發烟瘴地方充軍乃該撫將該犯量  
減擬徒罪開出八應令另行按例妥擬

道九十年  
說帖

蘇撫咨薛張氏呈首伊子薛隴兒忤逆照例擬軍  
一案部駁以薛隴兒隨母張氏改嫁撫養成立因索

錢不給出言頂撞並無別項忤逆情事且張氏改嫁

陝撫咨王招喜  
本名邢桃桂子  
十二歲時經王  
劉氏抱為義子  
撫養成立配有  
妻室應同子孫  
取問今觸犯義  
母呈送應照例  
發遣道光三年  
案

已久薛隴兒係其前夫徐姓之子按之八母服國例  
應服期年義已有差薛隴兒不遵母訓儘可逐令歸  
宗今因懼累起見呈請發遣是已嫌義絕之妻致絕  
前夫之祀於情於理均未平允飭令另擬等因查薛  
隴兒雖無別項忤逆情事但平日遊蕩不務正業屢  
經伊母張氏管教不聽又不顧伊母患病輒向索錢  
頂撞并在家吵鬧已屬屢次違犯張氏改嫁之時隴  
兒甫生兩月該氏卽將其帶往撫養歷經三十餘年  
襁褓相依至於壯歲是張氏於徐姓雖為義絕於隴

還犯教令致嫁  
母自盡未便輕  
減案載威逼人  
致死條

兒實爲恩深核其撫育辛勤卽與未嫁之母無異遇  
有違犯例無辜條且查義子過房在十五歲以下單  
義年久尙與子孫同科則本係親生而自幼隨帶業  
已撫養長成似不應予以末減惟是母經改嫁服隆  
期年不得同於親母則凡有干犯自當酌其情罪定  
以區分且張氏前夫徐姓止生隴兒一子若竟照例  
擬重誡如部駁是已嫁義絕之妻致絕前夫之祀情  
理未爲平允將薛隴兒改照母呈首子發遣例量減  
一等杖一百徒三年限滿勒令歸宗

乾隆四十四年  
通行本內案

刑案匯覽

毆母之婢女母生氣用刀自傷

並未違犯繼母遷怒撞頭跌傷

卷四十一 刑律 刑名

卒三月 刑部奏

廣順司 審奏宗室福羣因將伊母他他拉氏之使女蘭花貴打致伊母生氣用刀自傷旋即平復將福羣照違犯教令致母抱忿輕生自盡擬絞例量減一等擬以滿流仍照例折圈

嘉慶二十五年案

歐撫 咨孫樊氏自縊身死一案查律載子過失傷父母者杖一百徒三年等語此案孫資積因繼母樊氏以前夫之子焦玉貧苦無依菲患腿疾欲令同住伊父孫世武不允樊氏因此懷嫌嗣樊氏將孫女銀桂子推跌流血該犯問係樊氏推跌不知伊父已與

子並無違犯致  
母氣忿自盡是  
減得泳策賊威  
逼人致死餘山  
西劉知清

口角聲言可憐樊氏聽聞遷怒用頭向撞自行失跌  
撞傷眼胞該犯撞頭寢息後樊氏因孫世武不與交  
言飲恨不食孫資積屢求伊父與樊氏和睦孫世武  
以該氏性潑欲冷淡數日使其改悔迨樊氏瞥見焦  
玉在對面山上爬不上坡顛蹶可憐懷恨莫釋投縊  
殞命該撫以律例內並無審無觸忤違犯其親因事  
遷怒其子自行跌傷將其子作何治罪明文咨請部  
示等因查孫資積既據該撫審訊素無觸忤情事而  
樊氏之死實因孫世武不允顧養焦玉口角懷嫌復

母因逐怒向子  
起毆自行搥傷

目擊焦玉貧病無依不能力食憐恨沒迫遂爾輕生  
與該犯毫無干涉卽樊氏向伊扯頭致傷眼胞亦非  
該犯意料所及核與過失傷情事相同自應依律科  
斷應令該撫議擬報部再行核覆

嘉慶十年說帖

河南司 審擬慶善因伊母向其起毆自行搥傷一  
案查律載子過失傷父母者杖一百徒三年又過失  
殺傷律註云謂耳目所不及思慮所不到如彈射禽  
獸投擲磚瓦初無害人之意而偶致殺傷人者皆是  
盡以傷人者毆出於無心而受傷者則非由自取故

照過失傷定罪若受傷者係因趕毆失跌撞搥所致  
卽不能以自行跌撞之傷科他人以過失傷人之罪  
至過失傷父母亦必與過失傷人律註相符始准按  
律擬斷此案慶善妻楊氏爲妻慶善之母舒氏因楊  
氏素性貪懶有失懽心經楊氏之父六十八將伊女  
接回教訓並向舒氏理講舒氏生氣遷怒其子隨掌  
批慶善腮腺數下慶善往炕旁躲避舒氏趕毆被地  
上磚塊絆跌致將額顙撞傷並非慶善過失致傷檢  
查歷來趕毆子孫自行跌撞身死之案均係照子孫



違犯教令致祖父母父母自盡例擬以絞候是父母  
因自行跌搥身死者其子既依違犯教令致父母自  
盡例定擬不以過失殺父母論則父母自行跌搥成  
傷者亦不應以過失傷論該司以議科處善以過失  
傷母之罪與例未符惟該犯不能管教其妻以致伊  
母遷怒係屬違犯教令應按違犯教令律將處善擬  
以杖一百鞭責發落

嘉慶二十三年現審案說帖

不能養贍致母  
投河經救未死

提督 咨送謝王氏因伊子謝升見不能養贍復向  
索錢氣忿跳河如果被溺身死謝升見應照子貧不

一足微跛不能  
養贍繼母自盡

能養贍致父母自盡例擬流今撈救得生應量減一

等擬徒王氏現囚年老獨子懇求免遣將該犯照留

養例枷杖

道光二年湖廣司現辦案

廣東撫 咨請亞平等因貧不能養贍致繼母譚張

氏自縊身死一案查律載子孫違犯教令及奉養有

缺者杖一百又例載子貧不能營生養贍致父母自

縊死者杖一百流三千里各等語推原例義蓋以孝

為百行之首人子事親朝夕口體之奉不容稍有意

忽故奉養有缺者即擬滿杖示儆父母因子不孝抱

忿自盡卽應分別觸忤違犯擬以斬絞至子貧不能  
養贍致親自盡之案例文內於子貧之下申明不能  
營生養贍等字則以鄉曲小民窮苦者十居八九其  
日用所需固屬力不能給然果思竭力事親則或勤  
於工作或學習技藝以及貿易肩挑皆可以得貲養  
贍否則因家計艱窘卽情其四肢不顧父母之養以  
致父母自盡衡情定案因其尙非有心觸忤違犯故  
原其貧苦不得已之苦衷免其一死而其親究因失  
養短見輕生故嚴懲其不能養事之罪擬以滿流定

例已有區分不容再爲寬假此案譚亞平譚亞全因  
貧不能養贍致繼母張氏自縊身死原文內聲明譚  
亞平左足僅止微跛仍能行走並未成廢將譚亞平  
譚亞全均依子貧不能養贍致父母自盡例擬流該  
司議將譚亞平改免置議等因查譚亞平雖左腳微  
跛然眇者可以準僂者可以逾強脊者可以負土該  
犯僅止一足微跛無礙持行不難尋覓生理並非廢  
疾篤疾不能動履者可比今伊母旣因缺養自盡正  
與不能營生養贍致父母自盡之例相符該撫原咨

內既稱譚亞平仍能行走又稱不能力作係屬自相  
矛盾而將譚亞平譚亞全均擬滿流則引斷尙無岐  
誤所有譚亞平一犯應請照擬滿流毋庸議改

道光元年說帖

見禁囚不得告舉他事

獲犯到官後又  
証控毋庸推理

浙江司 查律載被囚禁不得告舉他人之事官司  
受而爲理者笞五十註云原詞立案不行又獄囚誣  
指平人者以誣告論又例載曾經被劾人員若懷挾  
私忿撫抬察覈官員別項贓私不干已事奏告以圖  
報復者不問虛實立案不行又實係切已之事方許  
陳告如懷挾私讐牽連羅織者除所告不准外照律  
治以誣告之罪各等語是被劾人員懷挾私忿撫抬  
察覈官員以圖報復者原有不諭虛實立案不行之

例若謂此例係指被劾人員而言則律內又有現被  
囚禁告舉他事者原詞立案不行之語亦屬已有明  
文該撫奏稱訟棍被獲審明後卽屬見禁之囚律不  
准告舉他事倘有懷挾私讐撫拾不干己事或架捏  
賊私控告原辦官員以圖報復者不問虛實立案不  
行等語均屬申明律意自應照舊辦理毋庸另立科  
條致滋牽混至積慣訟棍間發極邊烟瘴之例原以  
其串通吏胥播弄鄉愚與兇惡棍徒生事擾害無異  
是以特立專條從嚴治罪今該撫以訟棍到官後復

據拾誣告其情較重該請於所犯本罪上再加一等  
等語查該棍所犯極邊烟瘴充軍之罪係以極邊足  
四千里爲限已不爲輕再加一等亦不過實發雲貴  
兩廣罪名相去無幾似不必另事更張且所控情節  
既已無論虛實照例立案不行又何由知其係屬誣  
告是該撫所稱該棍到官後復行誣告應加等治罪  
之處卽另立專條亦竟成虛設所奏應毋庸議

道光六年說帖



教唆詞訟

見屍子懷錢即  
從旁慫恿誣告

挾嫌慫恿人控  
告致被告之人  
因看押情急自  
盡案載故禁故  
勘平人係張順  
味案內董狀五

陝督 咨楊我子誣控張振統毆傷伊父楊有身  
死並楊旺慫恿控告致屍遭熬檢一案查例載教唆  
詞訟誣告人之案如原告之人並未起意誣告係教  
唆之人起意主令者以主唆之人為首聽從控告之  
人為從如本人起意欲告而教唆之人從旁慫恿者  
依律與犯人同罪註云若僅止從旁談論是非並非  
唆令控告者科以不應重杖不得以教唆論等語是  
誣告案內從旁慫恿教唆之人應否與誣告本犯同

罪總以有無唆令控告情節爲斷如僅止從旁談論  
是非本無唆訟之心雖聽者因疑致誣究止多言肇  
釁故僅予以杖責若從旁媒孽啟人疑惑復從令控  
告則被誣者之受其拖累誣控者之罹於法網皆自  
唆慫所致其罪與本犯等自應一例同科至二人共  
犯一事如所犯並非不分首從及非與犯人同罪爲  
從原應減正犯一等若應與本犯同罪者卽無自從  
可分自應各依本例定擬律稱同罪者其罪應與正  
犯同非至死罪則不能減等也此案楊其五子因伊

父楊有自張振統家得病回歸身故見屍身發變疑  
係被張振統毆斃並因屍堂弟楊旺從旁從惡邀同  
楊旺節次控告致伊父屍遭蒸檢該省將楊氏五子  
依子將父屍誤執傷痕告官蒸檢照誣告人死罪未  
決律擬流加徒楊旺照從旁從惡例與楊氏五子同  
罪一律擬流加徒查楊氏五子因誤執傷痕控告致  
伊父屍遭蒸檢既據該省審無圖詐挾讐情事將楊  
氏五子依誣告人死罪未決律擬杖一百流三千里  
加徒役三年與例相符至楊旺一犯係已死楊有大

功服弟如果該犯僅止從旁談論是非並無教唆惡  
惡情事止應科以不應之罪今檢閱供招內據該犯  
供稱伊與楊武五子認定屍身青紅顏色必是張振  
統打傷伊就唆使楊武五子進省告狀經楊武五子  
祖母馬氏令楊武五子遞具悔呈銷案嗣楊武五子  
總疑父死不明欲進省翻控伊亦拘泥楊有是張振  
統打傷身死就惡惡楊武五子進省翻控等語是該  
犯楊旺節次唆令控告既致屍遺蒸檢又致楊武五  
子身蹈流戍與僅止從旁談論是非並無唆令控告

因以頂名代告  
德慈屍子京控

者迴別其罪自難寬減且例應與犯人同罪亦未便  
分別首從科斷該省將楊旺依教唆之人從旁怂恿  
與犯人同罪例擬杖一百流三千里加徒役三年係  
屬照例辦理應請照覆

道光三年設帖

河撫 奏夏芳鑑因無服族祖夏耀魁受傷身死報  
縣緝兇該犯得受屍子夏紹秀銀兩頂名屍姪代控  
訊結後明知案無可疑必須另緝正兇該犯復因無  
漁利添砌情節唆令夏紹秀京控將夏芳鑑比照訟  
棍擬軍例上量減一等滿徒

嘉慶二十二年案

欽差護告首從  
姓名各按本例

欽令姦婦証告  
本夫並証分細  
茲案數千名犯  
續條

陝督 咨趙灼教唆趙烱誣告李木智等毆溺伊妻  
徐氏以致屍遭蒸檢一案此案趙灼因族弟趙烱之  
妻徐氏與李本智等爭灌渠水被李本智掌批腮腹  
徐氏氣忿自投水渠殞命經趙烱歷控檢明擬杖詳  
結尚未發落趙灼誤聞徐氏身受多傷恐非自溺從  
惡趙烱捏砌被毆後丟入水溝淹死等情翻控以致  
屍遭蒸檢查趙灼係徐氏之夫趙烱族兄與徐氏並  
無服制應同凡論該犯教唆趙烱翻控致屍遭蒸檢  
自應以該犯為首依凡人誣告人命致屍遭蒸檢者

無挾舊止以誤執傷痕誣告蒸檢例擬發近邊充軍  
該省將趙灼依尊長誣告人命誤執傷痕蒸檢卑幼  
身屏例擬流加徒是將應以凡論之犯而牽引有服  
親屬之例係屬錯誤應請交司更正至趙灼應從族  
兄趙灼翻控致蒸檢伊妻徐氏屍身自應照親屬律  
有應抵之條誤執傷痕告官蒸檢例問擬係與為首  
之趙灼首從罪名各別應各依本律首從論該省將  
趙灼依為從例擬以總徒四年係屬照例辦理應請  
照覆

道光八年諭帖

爲人代作呈詞  
五六次

安撫 咨外結徒犯陳玉田代張鳴玉書寫呈詞誣  
控孫用遂違例取息訊係張鳴玉開畧囑寫惟陳玉  
田先後爲人代作呈詞六次應照積慣訟棍擬軍例  
量減一等滿徒

嘉慶十八年案

安撫 咨外結徒犯徐學傳代人作詞五紙皆係尋  
常案件並無串通吏胥播弄鄉愚恐嚇詐財情弊應  
於積慣訟棍軍罪上量減一等滿徒年逾七十係訟  
師爲害閭閻不准收贖

嘉慶二十五年案

訟棍擬軍例應  
四千里爲限

江西道御史 奏稱積慣訟棍串通胥吏播弄鄉愚



恐嚇詐財一經審實卽依棍徒生事擾害例問發重  
貴兩廣極邊烟瘠充軍查棍徒擾害之例係極邊足  
四千里充軍似應改等語 查積慣訟棍照棍徒定

擬之例係於乾隆三十二年纂定是時兇惡棍徒尙

係發重貴兩廣烟瘠充軍故積慣訟棍一條亦聲明

問發烟瘠字樣嗣因訓刑遺犯案內始將兇惡棍徒

改發極邊足四千里安置而積慣訟棍之例則尙仍

其舊然向來辦理此等案件俱係按照名例內應發

烟瘠人犯以極邊足四千里爲限之例發極邊足四

千里充軍與兇惡棍徒罪名相等是例文雖有區別  
引斷並無參差所有該御史奏請酌改之處應毋庸  
議  
道光十三年通行

直隸司 嘉慶二十五年七月初九日奉

接收呈詞嚴追  
唆訟寫作之人

上諭御史朱鴻奏杜構訟之弊以息刁風一摺所奏甚是  
民間訟牘繁多最爲閭閻之患而無情之詞紛紛赴訴  
則全由於訟棍爲之包謀此等刁惡之徒陷人取利造  
作虛詞捏砌重款具控者聽其指使冒昧呈遞審出虛  
妄誣告反坐之罪皆惟控訴之人是問而彼得置身事

外至被誣之人一經牽涉業已陷身失業卽幸而審明昭雪而其家已破因此傷生殞命者更不知凡幾在訟棍則局外旁觀自鳴得意種種鬼蜮情形實堪痛恨若通諭直省審理詞訟各衙門凡遇架詞控訴之案必究其何人從惡何人招引何人爲之主謀何人爲之關說一經訊出立即嚴拿重懲勿使倖免再地方官於接收呈詞時先訊其呈詞是否白作自寫如供認寫作出自己手或核對筆跡或摘詞中文義令其當堂解說其不能解說者卽向根究訟師姓名斷不准妄稱路過賣卜

賣醫之人代爲書寫勒令供明立拿訟師到案將造謀  
誣控各情節嚴究得實一切重罪悉以訟師當之其被  
誘具控之人轉可量從寬減如此據源究詰使刁徒歛  
戢庶訟獄日稀而良善得以安堵矣欽此 通行

拿獲訟師免其  
處分仍照原奏

川督 奏竊照川省近來許訟繁興類有訟師暗中  
唆使臣於抵任後飭屬認真查拿隨據成都華陽三  
縣訪獲程贊元等六名訊擬具奏奉

上諭琦善奏省城多有訟師潛匿唆控查拿分別究辦一  
摺地方失察訟師在境例有處分現暫查拿究辦之時

該州縣倘有明知故縱著該督照例嚴叅如違過案詳  
審自行拿獲著將州縣失察處分奏明加恩寬免欽此  
茲據各州縣先後報獲訟棍三十案共犯三十三名  
業經分別訊擬咨題完結計擬軍二十四名擬流六  
犯擬徒三犯俱係積慣包攬漁利唆訟官員雖有案  
據各州縣等或密訪查拿或遇案根究將各訟棍  
按名弋獲懲辦似尙知振作據臬司彙案具詳前來  
相應題

旨奏

聞請將綿州等十八州廳縣應得失察處分

准予寬免該員等自益感激知奮遇事認真至此後獲辦  
訟棍之案所有地方官處分俱得仰邀

恩免庶否仍行彙案具奏仰卽隨案咨部聲請免議之處  
恭候

訓示道光十年六月初三日奉

上諭前據奏各州廳縣拿獲訟師請寬免失察處分一摺  
前因四川訟棍唆控多案已降旨令地方官遇案拿獲  
卽奏明寬免處分茲據該督查明綿州等十八州廳縣

教唆誣告以致  
族叔屍遭蒸檢

先後報獲訟棍多名確有案據著加恩將各該廳州縣  
應得失察處分准予寬免嗣後遇有獲辦訟棍之案所  
有地方官處分邀免仍著兼之具奏該部知道欽此通行

山東司 查例載教唆詞訟誣告人之案以主唆之  
人爲首又誤執傷痕誣告蒸檢者爲首發近邊充軍  
又名例律載共犯罪而首從本罪各別者各依本律  
首從論各等語此案閻畛因無服族叔閻玉效酒醉  
身死業經驗明並無別故輒因閻玉效係在張亨鐸  
當舖門外身死其左眉等處又受有搥擦傷痕疑被

張亨鐸等毆斃咬令閻企升夫婦控告以致屍遭蒸  
檢按例應以主唆之人爲首查聽從証告之閻企升  
等雖係閻玉效繼麻叔祖惟該犯係已死閻玉效無  
服族姪律以凡論自應照其犯罪首從本罪各別各  
依本律首從論之律將該犯依凡人誤執傷痕証告  
致屍遭蒸檢例擬軍該撫將該犯依尊長証告人命  
致蒸檢卑幼之屍例擬流加徒係屬錯誤應卽更正  
閻珍應改依教唆詞訟以主使之人爲首誤執傷痕  
証告蒸檢爲首例發近邊充軍

道光十三年說帖



誣告充軍及遷徙

誣告場使私錢  
反坐應發駐防

蘇撫 咨黃先進誣控黃裕泰攬使私錢一案又湖  
督 咨劉洪先京控王泳和攬使私錢一案查誣告  
律內所稱罪止杖一百流三千里者係專指誣告流  
罪以下而言若誣至軍流以上則另有抵充軍役專  
條已不在罪止杖流之列至造罪較軍罪爲重誣軍  
者尙應抵軍則誣遣者自無轉予擬流之理檢查嘉  
慶十九年直隸省奏張九存誣告任明雲等入教一  
案又趙金誣告孫五等習教一案又東省咨馬解發

誣告殷宗平等邪教一案又二十年預隸省奏崔受  
選誣告劉添同習教一案均比依誣告充軍抵充軍  
役律將該犯等照所誣邪教爲從本罪擬發新疆爲  
奴各在案今劉洪先所誣王泳和攬使私錢如果屬  
實王泳和應發駐防爲奴審係虛誣照例反坐該督  
將劉洪先擬發駐防爲奴核與例案相符應請照覆  
其江蘇巡撫援引誣告律內罪止滿流之語將誣控  
攬使私錢之黃先進擬以滿流係屬誤會應卽更正

道光六年說帖

誣告邪教爲從  
照例抵充軍役

直督 奏崔文選誣告劉添同入教一案查律載誣  
告充軍抵充軍役又例載傳習白陽白蓮八卦等邪  
教爲從發新疆給額魯特爲奴各等語又上年六月  
直督奏張九存誣告任明雲等人教一案將張九存  
依誣告充軍抵充軍役律改發新疆充當苦差本部  
以僅令當差殊未允協將張九存改發新疆給官兵  
爲奴奏結又上年六月本部審擬趙金誣告孫五習  
教一案將趙金發新疆給官兵爲奴又山東省咨馬  
解凝誣告殷宗平等邪教一案該省將該犯依例擬

軍經本部改發新疆給官兵爲奴各在案此案崔受  
選誣告劉添同學習白蓮教應發新疆給官兵爲奴  
該督將崔受選改發新疆給額魯特爲奴核與辦過  
成案不符應將崔受選改發新疆給官兵爲奴面刺  
外遣二字至本年山東省崔盤石誣控崔波等習教  
擬發烏魯木齊一案係誣控傳習天治教一炷香等  
教與誣告白陽教情罪不同未便比附

嘉慶二十年  
說帖